

Պ. Գրադարան

Մ. Գրադարան (Երևան)

Գրադարան

"Ճեմարան", (1915)

"Ս. Ս. Գրադարան" (1916-1917)

"Մանկագրքեր" (1917)

მინ

I. ს. ჯანაშვილი (პროფესორი)

(პროფესორი
1915-1916)

II. ს. ჯანაშვილი

(პროფესორი 1916-1917
ნ. 2, 23, 26.)

ს. ჯანაშვილი N 6 (პროფესორი) N 10

ს. ჯანაშვილი N 4, 5, 6, 8, 9, 10
პროფესორი

ს. ჯანაშვილი
პროფესორი

1917-1918

1917

1917
1918

1. 1917 "1917" N 3 (1917) N 1

2. 1917 "1917" N 14

3. 1917 "1917" N 14

4. 1917 "1917" N 14

5. 1917 "1917" N 13

6. 1917 "1917" N 3 (1917) N 3

7. 1917 "1917" N 4 (1917) N 5

8. 1917 "1917" N 2 (1917) N 2

9. 1917 "1917" N 3 (1917) N 3

10. 1917 "1917" N 3 (1917) N 3

Հանրաժողովրդական Երկրագործական

Հանրաժողովրդական

Մ. Վ. Յ. Յ.

30



ცხოვრება

ორკვირული საშეცნიერო, სა-
ლიტერატურო და საპოლიტიკო
ჟურნალი.

შ ი ნ ა ა რ ს მ :

1. ბიკენტი (კოლა) ბიბონისძე ლომთა-
თიძე.
2. ჩენი დროის სურათები, გაგრძელება,
გოგია ვინმესი.
3. მგზავრის შენიშვნები, გაგრძელება, ხომ
ლელისა.
4. შალაროს მუშის სიმღერა, ლექსი,
ობოლი მუშისა.
5. ალექსი, მოთხრობა, ობოლი მუშისა.
6. შურის ძიების სხვერბლნი, გაგრძელება,
გ. ებრალიძისა.
7. გძნობის ტალღა, ლექსი, ს. ტაიფუ-
ნისა.
8. მათეს დასაფლავება, აკ. იოს—ნისა.
9. კრიტიკა, ზომლელისა.
10. კოლა ლომთათიძის დახასიათება.
11. „კავკაზი“ და აკარლები.
12. შზის მგოსანი ბალმონტი ქუთაისში,
ქუთათური მწიგნობარისა.

15 ნოემბერი 1915 წ.

ქ უ თ ა ი ს ი

სტამბა „მშობა“, ქარვასლის ქ., სახლი ჩარეკოვისა.

მიიღება 1915 წ. თუთხმეტ ნოემბრიდან ხელის მოწერა სამეცნიერო, სა-
ლიტერატურო და საზოლიტიკო ჟურნალ

„ცხოვრება“-ზე,

რომელიც გამოვა ორკვირაში ერთხელ რომანოზ ფანცხავას (ხომლელის)
რედაქტორობით

წლიურათ ჟურნალი ეღირება 4 მან. 60 კაპ., ნახევარი წლით 2 მან. 30 კაპ.,
სამი თვით 1 მან. 15 კაპ., თვიურათ 50 კაპ., თითო ნუმერი აბაზათ.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ. ხე-
ლის მოწერისას 2 მან. 60 კაპ., პირველ აპრილს—1 მან. და პირველ ივ-
ნისს—1 მან.

ქუთაისში ხელის მოწერა შეიძლება ჟურნალ - გაზეთების კანტორა
„იმერეთში“ ღ თომა მთავრიშვილთან. თფილისში წ. კ. გ. საზოგ. მდივანთან,
ბაქოში, ქართული სკოლის გამგე მეთოდე კაკაბაძესთან, ფოთში კოწია გამყრელიძესთან,
ხონში - გიგლა მებუჯესთან, კავკავში თ. იასონ მერაბისძე ლორთქიფანიძესთან.

ფული უნდა გამოიგზავნოს ამ მისამართით: Гор. Кутаисъ. Роману Спиридо-
новичу Паницхавა.

ამიერიდან ჟ. ჟუთაისში გამოდის ახალი გაზეთი

„სამშრობლო“

გაზეთის ფასი: წლიურათ 8 მ., ნახევარი წლით 5 მ., თვიურათ 4 აბ. ცალკე
ნუმერი ერთი შაური, დამატებიანი— 7 კ.

ესვე გაზეთი დაურვიდებათ „იმერეთის“ ხელის მომწერლებს.

გაზეთს წერილები და ფული გზავნით შემდეგის ადრესით: ქუთაისი, რედაქცია
„სამშობლო“, თფილისის ქუჩა. სახლი პ. ი. გოკიელისა.

გაზეთს ყოველ კვირა ექნება ნახატებიანი დამატება, დამატების გამოცემა დამო-
კიდებულთა თანამგრძობთა რიცხვის გამრავლებაზე.

გაზეთს ომში დაჭრილთა და მოკლულთა ნათესავ-მეგობრებს მოგვაწოდონ მათე
პორტრეტები.

ვთხოვთ აგრეთვე ადგილობრივ დაწესებულებას და საზოგადო მოღვაწეებს გვი-
გზავნონ პორტრეტები.

მოწვეულნი არიან ცნობილნი და საუკეთესო მწერალ-თანამშრომელნი. მათი სია
ამ დღეებში გამოქვეყნდება.

რედაქტორი ა. თ. ცინცაძე.

† ბიქნეტი (ჭოლა) ბიზონისძე ლომთათიძე.

გაზეთი „თანამედროე აზრი“ ექვსი ნომბრის ნუმერში ფრიად სამწუხარო ამბავს გვაუწყებდა. ნომბრის 4 რიცხვს, სარატოვის ღარიბთა თავშესაფარის პატარა ოთახში გარდაიცვალა მეორე სახელმწიფო დუმის ყოფილი დეპუტატი და ახალ გაზდა ქართველი მწერალი, ბიქნეტი (ჭოლა) ლომთათიძე.

რუსეთის მშრომელი ხალხის გამათავისუფლებელ მოძრაობას მეორე სახ. დუმის ძალიან მაღე დახურვა მოყვა სწორეთ ისე, როგორც პირველი დუმის დათხოვნა. ამ დიდ შეხლა-შამოხლის მწარე წუთებში ცხოვრების დუდილის შიგ შვა გულში ჩავარდნილ დეპუტატების რიცხვში, რასაკვირველია, ჭოლაც მოყვა და იგიც კატორღაში გაისტუმრეს...

მას შემდეგ, შორს, ცივ ქვეყანაში ასე გადაკარგულს ადამიანს აღარ უხალავს თვისი ტკბილი, შვენეირი საქართველოს არე-მარე, აღარ დამტკბარა იმისი ცხოველი მზის ცქერით, არ ჩაუსუნთქავს იმი ნაზი, გამკურნებელი ჰაერი. საშინელი სენით შეპყრობილი, მშრომელი ხალხის უწმიდესი იდეალების ცოცხალი მატარებელი და იმისი მუდამ მხურვალე თავდადებული მოსიყვარულე, ახალ გაზდა პოლიტიკური მოღვაწე, რომელსაც, მართალია, ერთი სიტყვაც არ უთქვამს პოლიტიკური ტრიბუნიდან, მარა სამაგიეროთ, გაცხარებული იმისი ბასი და გამოსარჩლება მშრომელთა ინტერესებისთვის სახ. დუმის კულუარებში მუდამ ყველას ყურათღებას იქცევდა და იპყრობდა.

ჭოლა მთელი თვისი არსებით ცდილობდა უკანასკნელათ ეხილა თვისი ძვირფასი

მშობელი ქვეყანა, იქ გაეტარებია უკანასკნელი წუთები თვისი ტანჯული, გაწამებული ცხოვრებისა, გამოთხოვებოდა საყვარელ ამხანაგთა და მეგობრებს... მარა ეს მას არ მოესწრო, არ აღირსეს და სიმწრით გატარებული, სამშობლო მხარეს ძალიათ მოგლეჯილი, გატანჯული ახალგაზდა მოღვაწე მოკვდა შორს, ძალიან შორს, სადღაც უპატრონოთ... გადაკარგული...

ჭოლა იყო შვენეირი გურიის გაუტუნელი გლეხის შვილი, ამაყი, თავმოწმონე, რკინასავით მაგარი ხასიათის, რომელმაც ქედის მოხრა არ იცის და მშრომელი ხალხის ინტერესებს ანაცვალა თვისი პირადი ინტერესები. იგი იდგა დიდი უსამართლობის და მტარვალობის წინააღმდეგ შეიარაღებულ მეომარივით და თვისი დიდი, სპეტაკი ვალდებულებათა სამსახურს ძველ მოწამესავით შესწირა თავი...

ის ადამიანი, რომელიც ასეთი წმიდაა, უმწიველო ცხოვრების მატარებელია, არადროს ხალხის ხსოვნაში არ მოკვდება და ჭოლა ლომთათიძის სულის და ხასიათის სიწმიდე და განუყოფელობა მუდამ სამარადისოთ თვალწინ გვექნება წარმოდგენილი ჩვენ, უბრალო მომკვდავებს...

აი, ეს უკანასკნელი ჩვენი მუდმივი, საუკუნო მისი სახელის მახსოვრობა და უკვდავება წილოს, თან ჩაიტანოს ამ შვენეირმა ქართველმა მოღვაწემ და მწერალმა ცივს, ნოტიო, დაბნელებულს სამარეში, რომელიც ასე უდროოთ, ასე ტრაგიკულათ გაუთხარა მას ჩვენი გამწარებული ცხოვრების სინამდვილე.

ჭოლა იყო ბასილეთის (გურია) საზოგადოების, სოფელ მეწიეთში მკხოვრებ გლეხის, ბიბონ ლომთათიძის პირშმო შვილი. ჭოლას ნათლობის სახელი იყო ბიქნეტი. ჭოლას დე-

და იყო ბახველი ღარიბი აზნაურის, ნიკოლაი-
შვილის ქალი. 7 წლის ქოლა ბასილეთის
ორ-კლასიან სკოლაში მიაბარეს. ამ დროს
ბასილეთის სკოლის უფროსი მასწავლებელი
იყო არსენ წითლიძე, რომელიც მოწაფეებს
ქართველი მწერლების თხზულებებს აკითხებდა.
ამიტომ წიგნების კითხვა ქოლას სკოლაშივე
შეუყვარდა. სოფლის სკოლა პირველ მოწაფეთ
დასრულა. სწავლის გაგებლება წყუროდა,
მარა მამამ, სიღარიბის გამო, ვერ შეძლო,
ქოლა სხვა სასწავლებელში მიეცა. თვით ქო-
ლამ სცადა შესულიყო გორის საოხტატო
სემინარიაში, მარა ეს არ მოხერხდა. საკუ-
თარი მკვლევარობით და სხვების მცირე დახმარ-
ებით ის შევიდა ქუთაისის სამეურნო სკო-
ლაში. მეგობართა დახმარებით, ის გაემართა
ბესარაბიაში და შევიდა სამეურნო სასწავლე-
ბელში. მარა დათხოვნილ იქნა, როგორც
თავისუფალი მოაზრე.

აქიდან იწყება ქოლას ხეტიალი.
ის გულს არ იტეხს, მას წყურთა სწავ-
ლა, ის მიდის უგროშ-კაპეიკოთ რუსეთს.
ამ დროს ქოლამ დაწერა პირველი მოთხრობა,
რომელიც დაიბეჭდა „მომამბეში“. 1903 წლამ-
დის ის უფრო ანარქიული მიდრეკილების არის.
ამ წელს-კი ეცნობა ბათომში მომუშავეთა
ჯგუფს, რომლის გავლენას და დისციპლინას
ის ემორჩილება. აი, ამ წლიდან იწყება მისი
პარტიული მუშაობა, ამ დღიდან ის ხდება
ს.-დ. პარტიის მოღვაწე.

პირველი სათათბიროს დათხოვნის შემდეგ,
მოიწვიეს მეორე. ამ მეორე სათათბიროს დე-
პუტატათ ქოლა აირჩიეს.

ქოლა ციხემდინაც და ციხეშიაც წერდა
მოთხრობებს. ციხეში წერას კიდევ მოუმატა.
ავთანყოფი, სიციხეში მბორგავი ქლექის ოფლით
დასუსტებული, ის გამუდმებით წერდა. ბევრი
მისი ნაწერი სხვადასხვა გაზეთებში უკვე დაი-
ბეჭდა. მარა კიდევ ბევრი დაუბეჭდავი დარჩა,
ზოგი დაიკარგა. 1903—4 წლებში ის მონაწი-

ლეობას იღებდა „კვალის“ რედაქციაში, წერდა
სპირიდონ მცირიშვილისა, კ. ოლიას და კ.
გერის ფსევდონიმით.

ქ. სარატოვიდან მიცვალებულის ცხედარი
თფილისის სადგურზე მოასვენეს 14 ნოემბერს
ნაშვადღევის 5 საათზე და ქაშვეთის ეკლე-
სიაში შეასვენეს დიდის ამბით.

კვირას, 15 ნოემბერს თფილისის არე-
მარებზე შევნიერი დღე გათენდა. ქაშვეთის
ტაძრის გაღაფანს აუარება ხალხი მოადგა...
წირვის გათავების და წესის აგების შემდეგ,
დეკანოზმა ნიკიტა თალაკვაძემ დიდათ გძო-
ბიარე და შინაარსიანი სიტყვა წარმოთქვა.
ტაძრის წინ მოკლე, მარა ძლიერი სიტყვა
წარმოთქვა მესამე სახ. ღუმისნადებუტატარმა,
ეგვანი გეგეჰკორმა. მან საქვეყნოთ ხაზი გაუ-
სვა იმ გარემოებას, რომ ხალხის წარმომადგე-
ნელი, უფლებით მოსილი დებუტატი ერბაშათ
კატარღელათ იქცა და სადღაც უბედურთა ღ
ღარიბთა თავშესაფარში დალია გამწარებული
სულიო...

ეგვ. გეგეჰკორის სიტყვის შემდეგ, მუშე-
ბმა ხელით წაასვენეს ძვირფასი კუბო წმ. ნინოს
სასაფლაოზე, სადაც დაკრძალულ იქნა. აქაც
სხვადასხვა დაწესებულებათა და პროვინციელ
თანამოაზრეთ წარმომადგენლებმა სიტყვები
უთხრეს. მიცვალებულის კუბო ასზე მეტი გვი-
რგვინით იყო შემკული.

ჩვენი დროის სურათები. *)

(გაგებუება)

46

თფილისიდანა შავი ზღვამდინა,
სადაც რო ტალღა ირხვეა ნელი,
ბევრია ბაღი—ოცნების ბინა,
ბევრია ნაშთი—სამარე ძველი.
სანამ მიქროლავს მანქანა ცუდი,
ჩვენი შიშოსვლის მატარებელი,
ბევრი შეგხვდება ფარაჯა ძველი
და კინკრისხოზე ნაბდისა ქუდი,
ბევრიცა... (მარა—უყურეთ კალამს:
აქ ტპბილსა ჩქროლას იგი ვერ მალავს).

47

ქართველი ქალი —შვენება მწველი,
შვენება მოვარის, შვენება მზისა...
მაზე მღეროდა შოთა რუსთველი,
ეშხით შემკვერელი მიწის და ცისა,
მაზე მღეროდა, ვინ იცის—ვინა,
ყოველი ენა, ყოველი ჰანგი,
ლეღავდა გული, ჟღეროდა ჩანგი,
თეირანიდან სტამბოლამდინა;
იგი ოცნებას თხზავდა და მაში
თვითონ გაქონდა რხევა—თამაში...

48

ისე ნარნარი არ არის ია,
ისე ლამაზი არ არი ვარდი,
აზრი მას მიაქვს, გული მისია,
გაქრება უცებ იქიდან დარდი.
ჩაბეჭდილება ძვირფასი ტანის
გულში ტიტტივებს, ვით ტბაში გელი,
ანუ ლულუნებს, ვით ნაზი ტრედი,
მიუხედავთ სივრცის და ხანის,
ყურს უგდებ მას და უნებლივ გჯერა
საბედნიერო ვნებისა ჟღერა.

იგი შრომისაც არა თაკილობს,
შრომის უბრალოს, მღაბიო ჯგუფთა;
და რჩება მინც, თუმც არა ცდილობს,
გული ნაზი და ფხიჩილები—სუფთა.
უყვარს მას ნდობა, მეგობრის ხელი,
ბწყენა ტფობის და სიმამაცისა,
და შის ღიმილით, ნათლითა ცისა,
ივსება ხოლმე დარბაზა ვრცელი;
ლხენა ქუდს იხდის იმისწინ რიდიო
და სიყვარული—კრძალვითა დიდიო.

49

მარა, თუ დევნის უწყალო ბედი,
თუ ეკიდება ტანჯვის ალები,
ფთა მოტეხილი ტყვიითა ტრედი,
არ არის ისე შესაბრალები.
მაშინ იცვლება შის სახე, გული,
მაშინ სულ სხვაა, საუბედუროთ:
უხმოთ, უსიტყვოთ, უსაცვედუროთ,
მაშინ ცრემლი დის, ვით ნაკადული,
და მარმარილოს ნიკაპის ქვევით,
ისკვნება იგი ცვარ-და-ცვარ რხევით.

50

მისი თვალეები—ემშის ტბა არი,
მისი წამწამი —გიშრის ღობეა,
და ტირის იგი, ჩუმი დამწვარი,
ქვათ გარდაქმნილი, ვით ნიობეა.
ნუგეშის სიტყვა, ან სამძიმარის,
პირში გიკვდება, ვერც გაუბედავ,
შენწინ ქალს არა-ხვთაებას ხედავ,
და განაჩენსა, უცხო იმ არის,
რომლისა ძალა და ნება ბნელი,
უცილოა და გარდაუვლელი.

51

და მიდის იგი... შავით მოსილი,
ხორც-შესხმული რამ შვენეირება,
ლოამაზ შუბლს უმკობს სევდისა ჩრდილი
და დიდრონ თვალეებს—ლმოზიერება.
შიდის ის ნელა, შვენება რამე,
სათნოებითა გარე მოცული...

*) იხ. „განთიადი“, № 17.

იღუშალია ეს სიარული,
 ვით ვარსკვლოვანი და ჩუმი ლამე,
 სადაც შეყრილან ზნე და კანონი,
 საციერო და საქვეყანონი.

52

ის დედა იყო, დედა გმირების,
 დედა... ტურფაა ბორჯომის ხევი,
 მიდამო მთისა განაპირების,
 ტყითა და ბარდით ჩამონახვევი.
 იქ მოქუხს მტკვარი, კლდიან ნაპირებს
 მოუღუღუნებს არაკებს ძველსა;
ტოტები შლიან ტაღლებზე ხელსა,
და მოელოან უკანვე გმირებს,
 გმირებს, რომლებმაც ამ ტურფა არეს
 ერთ დროს რაშებით ამოუარეს.

53

წინ მიუძღოდათ პატარა კახი,
 და გაშარჯეების იმედი ტკბილი;
 ხმები ამაყათ შემონაძახი,
 ქუხდა ამ ხევში უკუ-ტეხილი;
 კისრისა ხრითა, ფაფრისა ბნევით,
 მიფრუტუნებდა რაშთანა რაში,
 ცასა გაქონდა მალლა კაშქაში,
 ლაგამ-აბჯარსა გაქონდა ქვევით,
 ბწყინავდა სახეც, ვით იარაღი,
 და მიდიოდა მხედრობა ლალი.

54

ასპინძის ველო! გავიდა ხანი,
 ბორჯომის ველი დადუმებული,
 და ბევრი, ბევრი იმ გმირთაგანი,
 ჯერ უკან არც-კი დაბრუნებულა;
 დიდხანსა ქმარსა ელოდა ცოლი,
 და დედა—შვილსა, იქ დაკარგულსა;
 მარა ატკობდა სიამით გულსა
 შორს მობჰყვიალედ დიდების ზოლი,
 რო სიყვარულით კვლავ დაელოცა,
 ის მხედრობა და საქართველოცა.

55

ასპინძის ველო! რა ვუყოთ, რომა,
 იბძოდა მხოლოთ პატარა ერის!
 მას აქვს თვის ფასი, თუ არი ზომა,

ამ ქვეყანაზე სინდისიერი.
 გმირული სული... იგი ტრილებს,
 რათ უნდა იმას ტაში, თუ ქება?!
 ბორჯომის ხევის გამოშუქება,
 მაინც იტაცებს მგზავრისა თვალებს,
 და ხმაურობა, და ქლარა-ქღურღი,
 საუკუნეთ რო დაუტკბო ყური...

56

შეძვრა გვირაბში, ვით ხვრელში—მელა,
 თან შეათრია კვამლისა კული,
 და იმერეთში დაეშვა ნელა,
 ჩვენი მიმოსვლის მანქანა ცუდი.
 უცებ ბუნება გამოიცვალა,
 გამოიცვალა სახე და ფერი,
 მთა მთას შეცინის, მოქუხს ჩანჩქერი,
 და ქვეშ ყანებით ბიბინებს ქალა;
 ცისა კამარა შუქის აშარა,
 ეხვევა, კოცნის მიწასა, მარა

57

მიწა ისეა გამოწყობილი,
 ტყითა, ბალახით, ია და ვარდით,
 ზოგან ხავერდით გულ-შემკობილი,
 ზოგან დახვეულ კლდეებზე ბარდით,
 ზოგან—უკანვე იმ შუქის მტვრევით,
 რაც ჩამოფენილ არი ციდანა,
 რო დამტკვარია თითქო ქვეყანა,
 მხოლოთ იმითი, რაც ხდება ქვევით,
 და ცის ალერსი სულ არ სჭირია,
 ისე ტურფა და ისე ძვირია.

58

ოჰ, ტურფა მხარე! სადაც მწიფდება,
 და ფენს ნელ სუნსა ნაზი ლიმონი,
 სადაც კლდეებიც ბაღია რამ ხდება,
 პეპელა-ფუტკრის სანალიმონი;
 სადაც ხიდანა ხეებზე აღის
 ვაზი, როგორც რამ ოცნების კიბე,—
 მითხარ, რას ნიშნავს ეს სიღარიბე,
 ჩამორჩენისა ნიშანი ცხალის?!
 ნუთუ ბუნება, ასე მდიდარი,
 შენთვის შეიქნა კრული და მკედარი?

59

რა სიხარულით, რა ძლიერებით,
რა სიუხვითა ფეთქავს ბუნება,
რა სუნნილივან შევნიერებით
დამძიმებულ შტოშტოს ელუნება.
იქ, სადაც არც — კი დაუნძრევია
მცხოყრებსა ხელი — უნდა უყურო,
რა სიყვარულით ბარდი და უსურო
ძველსა ნანგრევებს შემოხვევია,
თითქო სწყურია — დიდება ძველი
ცოს დროებისგან ხელუხლებელი.

60

მარა ვერ იხსნის დანგრეულ კედელს
ნაზი მცენარის საამურება, —
ღმერთო, მოკითხე ზურაბ წერეთელს
ჩვენი ცხოვრების განადგურება...
რასა... ეჭ, აბა, ვისა აქვს გული
ამ საამური ბუნების შუა
რაიმე წყევლით მოწამლოს ქკუა,
გახსნას, გაკაწროს ძველივე წყლული,
ვისა აქვს ღონე, იძისოს მუნ — ვა
და ქარს არ მისცეს სევდა ზე ქმუნვა?!

61

მზემ გადიწია და განდაგანა
ისერის სხივებსა დიდდგომელი.
რა არის ეგა? ბუზია განა?! —
არა, — არწივი მიუწდომელი.
ჰაერის მეფე ცაში ტრიალებს,
მოაჩანს ლაყვარდში იგი, ვით ბუზი.
ეს-კი რაღაა?! ახ...იალბუზი!..
მთებისა მეფე სდუმს და ბჭყვიანებს:
დიდებულათ ის დაცქერის ძირსა
მთებს და გადაშლილ რიონის პირსა.

62

აქ თითმის ყველგან, ყოველ დაბაში,
იციან ხოლმე დღეობა რამე,
და გაზაფხული მწვანე კაბაში,
ბნელს სამოსელში მაისის ღამე,
ელიან იმ დღეს, როცა სტუმრებით
ივსება ხოლმე მაღალი ოდა.
იქ არ იქნება არ დალიო და
ლხენით არ დასტკბე (არ გეხუმრებით),
იქ საამურათ ტრიალებს ყანწი
და გულს გიტაცებს ვიჟი და ანცი.

63

ვრცელია სუფრა, კაცი ზე ქალი
მისი ვარშემო სიამით სხედან,
ბწყინავს ქიქა, თუ დანა ჩანგალი,
შემონაზიდი საზღვარ გარედან;
ხუმბობა ისმის ტკბილი და ძმური,
იღვიძებს ნდობაც ძნელ-მოსახვევი,
აჰა, შემოაქვთ ხონჩითა ბეჭი
და მასთან დანაც მამაპაპური,
„დაქრა ვინ იცის?“ — ყვირის თამადა —
და სტუმრებს უფრო ეხსენებათ მადა...

64

რას არ იტყვის და არ მოიგონებს
მზიარული და ენაწყლიანი?
კამკამებს ღვინო და ვარდის კონებს
შეტრფის მოლხენა ეშხისთიანი.
სუფრასვე ამკობს შევნიერებით
ტკბილი სიმღერა, ხმა, თუ შაირი,
კვლავ სიმახვილე ნაირ-ნაირი
ბწყინავს აზრით ზე ზომიერებით,
და ბროლის ყელეებს ჩვეულგბრითა
დაესხმის ხოლმე ღებენისა მძივით.

65

ჯერ კიდევ სმია, კიდევ ხუმრობა,
და სადღეგძელი ახალ-ახალი,
ჯერ კიდევალაღობს ლალი სტუმრობა,
მზიარულია კაცი და ქალი,
ჯერ კიდევ ჩუმათ ეზოში დგანა
კაზმ-მოუხდელი ცხენების ჯოგი, —
მარა, ჰა, უკვე ფრუტუნებს ზოგი
და ცქვეტს ყურებსა... დრო არი განა?
დიახ, დრო არის — უკვე ზედ არი
კოხტა და ვარდი მისი მხედარი.

66

ასე იწყება ყოველ დღეობა...
ახ, ის მე მახსოვს, ის ტკბილი წამი,
როდესაც მქონდა მოცალეობა
და არა მქონდა სვენისა შხამი.
მიყვარდა მაშინ გიჟურათ ცხენი,
მოვხატებოდი და უდარდელათ
მივაჭროლებდი ლურჯასა ველათ,
იქ, სადაც ბლომით მოჯირითენი,
ხტოდენ, დარბოდენ... იქ სდუმს ცაცხენა-
რი

და ცა შეყურებს სამრეკლოს ჯვარი.

67

რა ტურფა იყო ახალგაზღობა,
რა მოხთენილათ ეჭირა თავი,
იქ ძმობა იყო, იქ იყო ნდობა,
ზდილობაც იყო შესანიშნავი.
ხმალი, ხანჯალი, ჩაკეცილ ქუდი,
ტანსა შევნიოდა ჩამოსხმულს, წვრილსა,—
და ბეგრის გულიც სიამეს ტკბილსა
გძნობდა (რა იყო ამაში ცუდი?!),
ტკბილს სიყვარულსა—ქალების გული,
ტურფა სურათით დატყვევებული.

68.

აი, გავარდა მხედარი ერთი,
მოსხლიტა უცებ მიწიდან ცხენი,
მიქროლავს—ალობათ, ასენა ღმერთი,
მოძულეებია თავისი ღღენი.
უეცრათ იგი ჩამოხტა ძირსა,
გაყვა ფეხ-და-ფეხს, მიქროლავს ცხენი,
შეხე... ჰა, ჰა, ჰა! ჭირიმე შენი—
შემოაფრინდა კვლავ უნავირსა.
მას სხვებიც მოყვენ... და ჰა, ჯირითი,
გულის წარმტაცი, არ ვიცი—რითი.

69.

აი, მეორე... გაავლო ცხენი,
გავარდა იგი, ჩიტვით მალი,
ცხენსაც მოედო მის სიფიცხენი,
მიქრის ჟღარუნით, მიბწყინავს ნალი.
შეკატრიალდა უცებ მხედარი
და თავდაყირა მიქრის მღვამარე,—
გული ცახცახებს, შიშით მტკამარე,
თვალი მიკრული იმაზედ არი,
მარა კვლავ დაჯდა ღებნისა მჭენი
და მედიდურათ შექაჩა ცხენი...

70.

შეწყდა დაირა ცაცხვისა ძირათ
და ვეღზე, სადაც ბიბინებს მდგლო,
გადაიშალა საჭვრეტი ძვირათ
ზნე და მხნეობა საბძოლისიველო.
ზოგი სწორე ზის, ზოგი—კიდი,

ზოგი ხმალს თავზე მიაპრიალებს,
ზოგისა თოფიც დაიგრიალებს
და მიბჟყვიანებს ლამაზი დია,
ხერხს ხერხი მოსდევს სწრაფი და მალი
და მათ სიმარდეს ვერ ასწრობს თვალი.

71.

ირაზმებიან... რა უნდათ კიდე?
რათ აუღიათ, ნეტავი, შუბი?!
ველი ცახცახებს კიდითი-კიდე
და იმართება ვითომდა ჩხუბი.
რაზმსა რაზმიდან გამოუქროლებს
მხედარი ერთი, ვით გულსა შიში;
რა შეტაკება, რა იერიში,
არა ხდება და არ ავთართოლებს,
მარტო შენახარ და შენი ცხენი,
რომ არ შეგემთხვეს სიმარცხენი.

72.

ისმის მათრახი, ცხენთა თქრიალი
და ჟღარა-ჟღერი უზანგებისა,
ზოგან იარალს გააქვს ბჟყვიალი,
ზოგან-კი თვალებს პირ-მგნგებისა.
ზოგს აქ ქება და სახელი ელის,
ზოგსა ღალატობს მუხთალი ბედი,
ზოგი იძახის—ჯიიმე, დედი!
[ბჟუის ნაბეგვი შუბისა გძელის),
და ბძოლიდანა გამოდის იგი,
როგორც მოითხოვს ჯირითის რიგი.

73.

მარა არ ვიცი მე მაგის წესი,
თანდათანურათ აგიწერთ ვერა.
აჰა, წუთიცა ულამაზესი —
იწყება, ბოლოს, საამო მღერა.
ბიკები ნელა, ცაცხენარის ჩრდილში,
არონიებენ მოწყვეტილ ცხენებს.
სალამო ნელი წამოაყენებს
ხეების ლანდებს, გახვეულს ძილში,
თავდება დღესა... და ამხანაგებს
ზოგი აქებს და ზოგი—ამაგებს.

74.

ასე იცოდენ ჯირითი ძველათ,
ეს სკოლა იყო ცხენოსან ჯარის,

და იწრთნებოდენ გადაშლილ ველათ
შავარდენები სამშობლო მხარის.
ახლა ბევრი რამ გამოიცვალა,
ჯირითი თითქმის მოისპო სულა,
და, რალაც სევდით გარემოცულა,
გალმა-გამოდმა რიონის ქალა.
იცვალა ფერი ჟამმა და დრომა,
მიმოიხედე და ნახავ, რომა...

75.

ახ, ქუთაისი...

(შემდეგი იქნება).

გაგია ვინმე.

მეცხვერის შენიშვნები*)

ახლა აღმოჩენილ წყაროებით თანდათან
მტკიცდება, თუმცა ჯერ კიდევ მეცნიერულათ
დასაბუთებული არ არი კარგათ, რა ქართ-
ველობა არაელებზე და სემიტელებზე უფრო
აღრე ყოფილა გამოსული ისტორიის ასპარეზზე
და დასახლებული მთელ მცირე აზიასა, მიდი-
ასა, მესოპოტამიასა და კავკასიის არე-მარეზე
და თვისი კულტურა მას გადუცია მაშინდელ
ძველ ხალხებისთვის. ამ მრავალ რიცხოვან
ქართველთა წინაპრებს სულ ეული, ველური
ხალხები ერტყა გარშემო და, მათ შორის, რა-
მდენიმე ათასი წელიწადი ვაგქელდა უსაში-
ნელესი სისხლის ღვრა და ბძოლა, რომელსაც
შედევათ ის მოყვა, რა ქართველების წინა-
პრები, როგორც კულტურით დაწინაურებულნი
მიწის მუშანი, მშვიდობიანი მშრომელნი და-
მარცხეს ეულმა ცხენოსანმა, მწყემსმა, მეჯოგე
მეომარმა ხალხებმა. მცირე აზიის სამხრეთიდან
მას თანდათან ძლიერათ შოაწვა ეს ურდო
და ქართველობა წასწია ჩრდილოეთისკენ,
ჩაკეტა კავკასიის მთების ხეობებში, პონტის
და კასპიის ზღვებს შვა მდებარე ადგილებში.

*) იხ. „განთიადი“, № 16.

ამ ადგილებშიაც მან შესლოა ღონიერათ
არწივივით ფთების გაშლა... დაიწყო ახალი
წარმატებული ცხოვრება, რომელიც უკავში-
რდებოდა ფინიკელთა, ეგვიპტელების და,
შემდეგ, ელინთა ცივილიზაციას... მთელი ეს
ძველი კოლხიდის მდიდარი არე-მარე ბერძენთა
ახალშენებით იყო მოფენილი და აქ იმათი
დიდი და მდიდარი რესპუბლიკები ყვაოდენ.
აქ დიდ სავაჭრო და სამრეწველო ქალაქებში
იმ დროის ცხოვრება დულდა და გადმოდიოდა...
აქ კოლხიდის მდიდარს ნიადაგზე ძველ ქარ-
თლოსიანთა ერის წინაპართა ზეგავლენით
ჩაიყარა საძირკველი დიდი სულიერი და
ნივთიერი კულტურისა, რომელმაც უკვდავების
სული ჩაბერა ბერძენთა ცივილიზაციას. საბე-
რძნეთის მითალოგია, რელიგია, ისტორია,
ფილოსოფია, პოეზია, ხელოვნება, ვაჭრობა,
მრეწველობა, ყოველივე ის, რითაც ამაყობს
ელინთა ქვეყანა, ჩაისახა და გაჩადა აქ, ამ
ღვთისგან კურთხეულს, მაღლიანს ადგილებში
და, მერე, ამ ადგილებიდან, ბერძნების მეო-
ხებით, იგი კულტურა და ცივილიზაცია მოე-
დვა რომის დიდ იმპერიას, ევროპის ზღვასა
და ხმელეთს, მთელ კაცობრიობას და, ამნაი-
რათ, ჩვენმა ქვეყანამ მთელ ქვეყნიერობას
დასლო დიადი ღვაწლი და მიანიჭა უსაზღვრო
სარგებლობა და მაღლი...

საღამოს ხუთ საათზე მივედით სოხუმში
და სადილთაც დაგვირეკეს. ძალიან კარგი
სადილიც გვაქამეს. არაყი, წვანილი, თევზები,
კალბასები, ყველი, თოლხოთ მოხარული
კვერცხები, წვნიანი კერძი, მერე, შემწვარი
ძროხის ხორცი და ზუთხი, ბოლოს, ხილი და
ყავაც. სოხუმს ბოლაზი არა აქვს და გემები
ნაპირს ვერ ადგებიან. ამიტომაც, ცოტა
მოშორებით ვაჩერეს გემი. ზღვის ზედა პირზე
მოსრილვ ნავებმა ბევრი პასაჟირები შეგვმა-
ტეს. მარა ბევრიც გემიდან გადასხეს სოხუმში.

სოხუმი გათქმული ქალაქია მთელ რუ-
სეთის იმპერიაში, როგორც საუკეთესო კლი-
მატური სადგური ფილტვებით დასუსტებულ-
თათვის. სოხუმი ერთად-ერთი კურორტია ჩვენ-
ში საკუთრად ტუბერკულით დაავამყოფებულ-
თათვის, რომელიც შექნა და მოაწყო პრო-

ფესორმა ოსტროჟნოვმა. აქ არი დიდათ ზომიერი, თფილი ჰავა, ქარის სახსენებელი სულ არ არი. თფილი, სასიამო ზამთარი იცის და მუდმივ აყვავილებულ-ამწვანებულ მცენარეთა სიუხვე რუსეთიდან იზიდავს ურიცხვ ავათ-მყოფს. ტუბერკულოთ დასნეულებულებს ავათ-მყოფობის პირველ და მეორე სტადიის დროს სოხუმში თამამათ აგზავნიან ღ სნეულნი, თავს თუ მკურნალთა დარიგებისა შებ მოუვლიან, მიუცილებლათ, დიდ გაუმჯობესობასაც იგძნობენ აქ. სოხუმში — ეს ნამდვილი ცოცხალ ვარდების და ყვავილთა შორის გაშენებული ქალაქია. მარა ამავე დროს მას საკვილის ქალაქის სახელიც უნდა ვუწოდო. ეს ქალაქი ნამდვილ სასაფლავოს უმდიდრეს ძეგლს მოაგონებს ადამიანს, რომელიც (ქალაქი) მრავალფეროვან, საუცხოვო ცოცხალ ყვავილებს თვლის მომხიბლველათ შეუმოს-შეუმკია...

სოხუმში არი რამდენიმე კარგათ გამართული სანატორია ფილტვებით დასნეულებულთა და ტუბერკულოზით დაავათმყოფებულთათვისაც. რამდენათ მდიდარი და შვენიერია ზუნება სოხუმში, იმდენათ, თურმე, როგორც მითხრეს, ქალაქი მოუწყობელია და მოუწყვრივებელი იქ ცხოვრება.

სოხუმს ახლოს, ზღვის პირათ მდებარე ახალი ათონია. გემით სამი საათის სასიარულოა იქამდი. ამ ადგილზე მთელ რუსეთში გათქმული მართლმადიდებელთა მომასტერია გაშენებული, სადაც ნამდვილი ამერიკული ენერჯია და მუშაობაა გამართული. აქ შენობებიც კარგია ღ ბაღიც მდიდარი.

ახალ ათონთან ახლოს არი ბუდაუთი, რომელიც ზღვაში საბანაოთ საუკეთესო ადგილია და აგრეთვე კლიმატური კურორტიც, სადაც იკურნებიან ავათმყოფნი და ბევრ მოგზაურსაც იზიდავს იგი. აქიდან იწყება ზღვის პირათ მდებარე ძველი აფხაზეთის დაცემული ვაკე ადგილები, რომელიც დასახლებულია მხიარულ, სიცოცხლით სავსე ჩვენი მოძმედა ნათესავი აფხაზების მჭიდრო სოფლებით, რომელნიც სულ ერთიანა ბალებსა და ხეხილებში ყვინთავენ.

სოხუმის ოლქის მდიდარ, საოცარ ბუნებას აფხაზეთი, რომელიც ჩვენ სახელოვან დიდ მეფეს, ვახტანგ გორგასლანს საბერძნეთის (ბიზანტიის) იმპერატორმა, ლეონმა მშითვად მისცა, როცა თავისი ქალი-ფლენე ცოლით მიათხოვა მას, დღეინდელ ქვეყნის შვილს ვერა-

ფერს შველის და აფხაზი დღეს ძალიან დიდ სილარიბეს და სისაწყლეს განიცდის. რა არის ამის მიზეზი? რა თქმა უნდა, აქ პოლიტიკური და ეკანომიური მიზეზები მუშაობენ. მარა გაუნათლებლობას მაინც თლად დაუყრუებია, მიწასთან გაუსწორებია დღეინდელი აფხაზი. იგი ჩვენ, ქართველებს ველარც-კი გვცნობს მაშინ, როდესაც ჩვენი ქირი და ლხინი ძველათ განუყრელი, საერთო იყო და ბევრი სიკეთე აფხაზებისგან ჩვენ ქართველებს მიგვირია და შეგვითვისებია... აქიდან, აფხაზეთიდან გაძლიერდა მთელ საქართველოში საქვეყნოთ სახელგათქმული, შესანიშნავი დინასტია ბაგრატიონებისა, რომელთაც სასახელოთ აწარმოეს ქართველთა ისტორია, მაშინდელ დროის და ადგილის მიხედვით და თანახმად... ქრისტიანობაც ხომ აქიდან დაიწყო...

დღეს აფხაზეთით აღარც აფხაზი სარგებლობს, აღარც სხვა ვინმე საქართველოს შვილი. ამ ედემს დღეს დაბატონებია ათასი უცხოელი, უფრო ბერძენი და სომეხი, რომელთა თუთუნის პლანტაციები კაცს აკვირებს თვისი სიმდიდრით და სიუხვით. ამ ბედნიერ არკადიიდან ყოველ წელიწადს ერთ მილიონზე მეტი ფუთი თამბაქოა გააქეთ, სხვები მდიდრდებიან და აფხაზები-კი ტყავდებიან და ღარიბდებიან. ამ საწყალობლების განათლებისთვის, თვალის ახელისთვის, მათ მკურნობის გაუმჯობესობისთვის კაცი არ ზრუნავს ქვეყანაზე და არიან ასე წყვდიადში ჩამარხულნი და ჩვენგან მოწვევტილნი. ბევრმა ქართველმა მამულიშვილმა გულით მოიწადინა ჩვენი ძმების — აფხაზების სამსახური, დახმარება, მათთვის თავდაუზოგველი მუშაობა. მარა, „მიზეზისა გამო სხვისა და სხვისა“, ისინი უკვალოთ დაიღუბენ და მას აქით არი საქმე ასე უელსაკლაგათ ერთ წერტილზე გაჩერებული...

სოხუმიდან ზღვაზე პატარა ფურთენა ავტიყდა, რომელსაც ჩემზე არ უმოქმედნია. მე გამოცდილებით ვიცი, რო ჩემზე პატარა ფურთენა-კი არა, დიდი დღეღაც არ მოქმედობს. მე შევალამედი პალუბას (გემის ბანი) არ მოვცილებივარ. შევენიერ გუნებაზე დამაყენა ზღვაზე მოგზაურობამ. ზღვის ზომიერი ჰავა რალაც მკვდრეთით აღმდგენელ სიცოცხლეს და ენერჯიას უმატებს კაცის არსებას. დიდი სიფხიზლე და სიმკვირცხლე ემატება კაცს და ხდები მეტისმეტათ ფხიზელი და მოძრავი. იქნება, ეს არი მიზეზი, რო დასავლეთის საქართველოს შვი-

ლი, როგორც შავი ზღვის პირათ მდებარე ქვეყნის მკვიდრი, უფრო ფხიზელი და მოძრავია, ვიდრე ამერელი?! გინდა სულ პალუბაზე ისე იწირო, იარო, ილაპარაკო, იკითხო და ძილი არ გეკარება, სანამ ძალიან არ დაიღლები.

საღამო მეტათ დაადი და შვენიერია პალუბაზე. ორთქლმავალი გემის უშველვებელ მოყვანილობას და ტანს რიტმიულათ გააქვს ხმაურობა, მანქანის ხრიალი მოგაგონებს ხვრინვას ზღაპრულ გველეშაპისას. ცა საოცნებოთ გადაშენდოდა. აქა იქ ვარსკვლავებიც გამოჩნდნ და მთელი ხარისხი საესე მთვარისა პირლაპირ თავზე დაგტყერის. ბწყინვალე დიადი მზე ზღვაში ჩასრიალდა და ირველივ გამეფდა საესე მთვარის სინათლე. მთვარის სინათლეზე ცხადათ კიდე ჩანს ფართე ნაკადული, რომელიც თეთრ ლენტათ მოყვება გემის განავლებ კვალს. გემი შეუპოვრათ მიაპობს ზვირთებს და მის დატაკებაზე ზღვას გააქვს ყურთასმენის დამატკობელი შრიალ-შრიალი...

შვალამე გადასული იყო და პალუბას გამოვეშვიდობე. ძილია დამძლია... და დასაძინებელ ოთახში ჩავედი. მეორე დღესაც ზღვაზე მეტათ შვენიერი დღე გათენდა. დილით ძალიან ადრე წამოვდექი, რომ მზის ამოსვლის დროს პალუბაზე ყოფილვიყავი და იქ მეყურებო და დიდი მნათობის ამოსვლისთვის. გემი ნაპირებთან ახლო მიდიოდა. აღმოსავლეთით გაიჩნდა „მზე დიადი“, რომლის ზღვაზე ამოსვლის შნატურულათ აღწერას ჩემი სუსტი კალამი ვერ მოახერხებს...

რვა საათამდე პალუბაზე ვიდექ. ზღვის შვენიერ ნაპირებს თვალს ვერ ვაშორებდი. რვა საათზე ჩაიზე დავეირეკეს. ჩავედი საწოლ ოთახში პირის დასაბნათ, სადაც სხვა პასაჟირებს შორის ორი უკვე წამომდგარიყო და ცხარეთ ლაპარაკობდენ. საგანი ლაპარაკისა იყო სოხუმის ქალაქის თავი. მოსაუბრენი იყვენ ბერძენი და რუსი. ბერძენი ასე შეახნის კაცი იქნებოდა, ჰლარა შერეული, შვა ტანადობისა, თავსხვილა და ცოტა მუცელ წამობერილი. წვერი სამართებლით ქონდა მოპარტული და დიდი უღვეშები ყარამანიგით კოხტათ გადაგრეხილი. შავი თვალწარბი მის მეტყველობას იერს აძლევდა. ტანთ ეცვა ვეროპული ტანისამოსი და, როგორც ეტყობოდა, პრაქტიკის კაცი იყო, კომერსანტი, ვაჭრობაში ძალიან გამოცდილი და იმ ადვილებზე, სადაც საუბარი განსაკუთრებით მის სპეციალურ საგანს შეეხებოდა, იგი ხმას უმატებდა და გაბედულათ,

შეუპოვრათაც ლაპარაკობდა, რომ ძალა უნებურათ იზიდავდა ჩემს ყურთაღებას.

—ოჰ! ძნელია აქ ცხოვრება და ნამეტურ ვაჭრობა! რუსეთში, ამ უდიდეს დამშვიდებულს, მდილარს ქვეყანაში უშიშრათ ვერ გიცხოვრია, ვერ გივაჭრია. რომელი გაიძვერა, რომელი არამკითხე ავახაი დაგტყუებს და წაგცინცლავს რასმე, არ იცი. რამდენი ხანია რუსეთში პურით ვაჭრობას და შავ ზღვაზე თევზის ვაჭრობის საქმეს ვეწვევი და ის ამბები, რაც მე თავს გადამხედია, რომ გამოვაქვეყნო, გამოგონეს თმა ყალყზე დაუდგება და თავრუ დაესხმის.

ჩვენში, საბერძნეთში-კი სულ სხვა არი... და მოყვა იგი თავისებურათ, რომლისთვისაც მე ყური აღარ მივდია. ყური არ დამიგდია იმიტო, რომ, თუ ბერძენმა ლაპარაკი დაიწყო, გათავება აღარ იცის, წააბამს რაველ მესახანდრესავით და გაბმით ერთ ხმაზე მოაყოლებს. ახლანდელ ბერძენებსაც, მის ძველ წინაპარ ათინელსავით, ქერმეტყველებდა და ლაპარაკი დიდათ უყვარს და ეს არი მიზეზი, რომ ვაჭრობაში ბერძენსაც და ურისაც სომენი ყოველთვის ამარცხებს. სომეხს ბევრი ლაპარაკი, მრავალ სიტყვაობა არ უყვარს. სხვის ქერმეტყველებაზე იგი დაცინვით იტყვის ხოლმე: „ხოხუ-მეს ელი“. სომენი ყოველთვის საქმეს უწვრილმანდებდა, ამაზე ფიქრობს დღე და ღამ და ცალიერ ლაპარაკში არ ხარჯავს ჭკუას, არ კარგავს დროს. ადესაში ერთი ჩემი კაი ნაცნობი აზნაური, ხუმარა სომეხი, გვართ, პასანჯალალოვი ხუმრობით მეტყუადა ხოლმე: თურმე, ვაჭრობაში ორი დიდი გაქნილი, ცბიერი, უშველებელი მოტლეზილი ბერძენი და ურია ერთ დიდ ქვაბში გადახარჩეს და ეროი ნამცეცა, ნეკის ტოლა სომეხი გამოვიდა ამ ორ გადადულეზილიდანო...

საწოლ ოთახიდან გარეთ გამოველ და მესამე კლასის პასაჟირები დავათვალიერე, რომელნიც ზევით პალუბაზეამოსულიყვენ. ბევრი ქართველი ახალგაზდა ბიჭები მოდიოდენ ზღვის პირათ მდებარე ქალაქებისკენ სამუშაოთ. მე იმათი ნახვა ძლიერ გამიხარდა. ისინი ლამაზათ მღეროდენ „სულიკოს“, რომელსაც შვენიერათ აყოლებდა საღამურს ერთი ახალგაზდა სომეხი. სომეხმა ქართული კარგათ იცოდა და გამოველაპარაკე.

საიდან იცი შენ მოტივი ამ ლექსისამეთქი?

—მე ნოვორასისკში ხშირათ ვცხოვრობ

ქართველ მუშებს შორის. ისინი მღერიან „სულიკოს„ და იმათგან მეც ვისწავლევ. ძალიან კარგი ლექსია სწორეთ.

ჩვენი დღეათ სათაყვანებელ მგოსნის ამ შესანიშნავ ლექსს, როგორც გამიგონია, ყოველგან დიდი ენტუზიაზმით და გატაცებით მღერიან ჩვენში ქალ-ვაჟნი, მასხოვს, სხვათაშორის, ამ ოთხი წლის წინათ იმ სახლში, სადაც, გარდაიცვალა ჩვენი გმირი, მეფეთა მეფე, ერეკლე II, სალამო იყო გამართული და თფილისიდან საზანდარიც იყო მოპატივებული. დიდძალი საზოგადოების თხოვნით, ანტრეპტებში საზანდარმა დაუკრა „სულიკო„ და მთელი საზოგადოება კახელებისა აუწერელ აღტაცებაში მოიყვანა. საზანდარს უკრავდენ სომეხები და, მგონია, ერთი სპარსელიც ერთი იმათში. მარა მაშინ ასე ტკბილათ არ მშვევებია „სულიკო“, როგორც ახლა. დიდი გძნობით უკრავდა სალამურს ახალგაზნად სომეხი. ქართველებსაც ძალიან შეყვარებოდათ ეს ბიჭი, უთუოდ იმიტო, რომ სალამურს კარგათ უკრავდა და ქართულ სიმღერებს აყოლებდა ზედ.

ქართველ კაცს მგზავრობაშიაც უყვარს სიმღერა. ყოველი ქართველი, ქართველობაზეც (და მე ასეთი ქართველი ჯერ არ მინახავს) ხელადებული, მგზავრობაში მოქეიფდა, ასე ვთქვათ, პოეტია, რომელსაც თითქო გძნობა და ნიჭი ემატება, თანაგძნობა და სხვისი სიყვარული ეღვიძება, რომ გატაცებას მიეცეს და დატკბეს ნამდვილი ესთეტიური სიამოვნებით...

გამოჩნდა გავრანც, რომელიც პრინც პეტრე ოლდენბურგის სრული საკუთრებაა. აქ არი გამართული შევნიერთ „გავარის კლიმატური სადგური“. ზღვიდან ძალიან ახლოს მოჩანს დიდი, მაღალი ქედები, რომელნიც თოვლით დაზვინულან. გავრაში, თურმე, ძვირფასი ტროპიკული მცენარეები და წმინდა უცოდველი მთის ბუნება იხილავს ადამიანს დასასვენებლათ. აქ გაუმართავთ სახელმწიფო სასტუმროები და წყლით სამკურნალოც. მარტო აქაურს კლიმატურს სამკურნალოს მოსაწყობათ ყოველწელიწადს ხაზინა აძლევს 3 1/2 მილიონს. მე გადმომცეს, აქ გამართული ყოფილა სასტუმრო, სადაც სტუმარს დღე-ღამეში მიეცემა ერთი კარგი ოთახი, ქვეშაგების საცკლები, ელექტრონული განათებით, გათბობით და ტელეფონით 75 კაპ. მდიდრებისთვისაც არი სასტუმრო, სადაც ოთახი დღე და ღამე 7 მ. ღირს. გავრაში ავათმყოფისთვის ჰავა მეტათ შეზავებულია. ზღვის ჰაერი, მთის ჰაერთან

შეერთებული, ძალიან კარგათ მოქმედობს სისხლნაკლებ, დასუსტებულებზე. ნერვებ აშლილებზე. გავრა, თურმე, ნამდვილ ევროპულ კურორტს მოაგონებს კაცს.

გავრას შემდეგ, არი სოჩი, რომელიც იქვე; ზღვის პირათ ძვეს და საუცხოვო ზღვაში საბანაო ადგილათ ითვლება. აქ მკურნალის პოდგურსკის წყლის სამკურნალოა გამართული. სოჩის ახლოს გოგირდის აბანოებიც ყოფილა. სოჩს ჩრდილოეთით ცივი ქარებისგან იფარავს მაღალი ქედები და მუდამ პარმცინარე, იგი კობტათ გაყურებს ზღვას და სამხრეთის ლურჯ ცას.

ლამაზ და შევნიერთ სოჩის შემდეგ, ძვეს ტუაპსე, რომელსაც კარგი მოწყობილი საბანაო ადგილები აქვს და გამკურნებელი ყურძნის მსხმოიარე ვაზებით გაშენებული ვენახები.

ტუაფსეს და ნოვოარასისკა შვა ძვეს გელჯიჯაი, ან „თეთრი პატარძალი“, რომელიც გაზაფხულზე, თურმე, მართლაც პატარძალს გავს მორთულობით, ასეთი ლამაზი და შევნიერთია. გელჯიჯიკი სულ ერთიანა ყვავილებს, ვარდებსა და ხეზილებში ყვინთავს და წარმოადგენს შესანიშნავ ადგილს ჰაერთაც და საბანაო წყლებითაც. აქიდან ქ. ნოვოარასისკამდე სულ 23ვერსტია.

აი, თავდება ჩემი მგზავრობის წერტილიც და შემძილია ორი სიტყვით და ხატო სიმღიდრე იმ შავი ზღვის პირათ მდებარე ადგილებისა, რომელიც გვით გამოვიარე.

აქ მოგზაურის თვალის წინ გაშლილია თავბრუდამხვევი, წარმოუდგენელი ბუნების დოვლათი, სიუხვე და სიტურფე, რომლის ნიადაგი უძველესი დროიდან გათქმული იყო თვისი დიდი სიმღიდრით, ნაყოფიერობით, უხვი მოსავლით, მეტათ თფილი ნახი ჰავით. აქ არ იცის ნამეტანი სიციხეები და გვალვები, რომელიც გადაწვავს, გადახრუკავს ხოლმე ყოველი ფერს ზაფხულის თვეებში. არც ყინვები იცის ზამთარში. ეს მთებ-კი შემოსილია სხვა და სხვა მრავალგვარი და მრგვალფეროვანი ძვირფასი ჯიშის ხე-ტყეებით და ამ მთების შვაგულ მიწაში მარხია ყოველგვარი უმღიდრესი მადნები ათასნაირი ლითონებისა. თვით ზღვა, ეს კლასიკური შავი ზღვა, რომლის ნაპირებზეც აყავდა უძველესი კულტურა და ცივილიზაცია, მდიდარია უთვალავი, სხვა დასხვა გვარი თევზებით და ზღვის ღორებით (დელფინებით).

ამიტომაც, აქ შესაძლებელია კოლოსალურ

რი გავითარება მიეცეს პირდაპირ წმინდა ევროპულ მეურნობას, აყვავდეს და გაშენდეს თანამედროე ხილნარი, გაჩაღდეს მეფუტკრობა, მებოსტნობა, მევენახობა, მეთამბაქობა, მეაბრე-შუმობა, ხე-ტყეთა წარმოება და სხვა დასხვა. ამასთან ერთად აქ შესაძლებელია გაიმართოს, მოეწყოს და მოეფინოს წმინდა ევროპული ფაბრიკები და ზავოდები, რომელნიც ჩვენი ქვეყნის შვილებს ათასობით და ათიათასობით მოუყრიდა თავს და მისცემდა სხორდოს, გაწრთენიდა გონებითაც, პოლიტიკურათაც. თვით ზღვაც ხომ ათას ზღვაოსანს და ამდენსვე ევროპულათ თევზის მოვაჭრეს აღგვიზღიდა და სხ...

(შემდეგი იქნება).

ხამდეკლი.

მალაროს მუშის სიმღერა.

დიდ ხანს მოთქმას, უხმო მოთქმას,
თან ვატანდი დროთა ტრიალს;
გულის კენესას ვუერთებდი
მალაროში წაკატო წკრიალს...

დღეს გარდვიქმენ... მფეთქავ ალში,
გავახვიე რიდე შავი,
სულის წიადს წავეუკიდე
წინმსვლელობის ცეცხლი მწვავი!

შორით ვუჭერეტ ნათელ ვარსკვლავს,
მომაღლის ცას მოკამკამეს...

მივისწრაფი შეუღრეკლათ,
აკვეთ, მივარღვევ შავ-ბნელ ღამეს!

ვინ შეწყვიტოს დროთა სრბოლა?
ვინ ჩააქროს სხივი მზისა?

ვის ძაღუძს, რო შეაჩეროს
სწრაფი ტალღა მღელვარ ზღვისა?

მოსრიალებს მძლავრი ტალღა,
მოაქროლებს დროშას ხსნისას...

დრო დადგება-და ეიხილაეთ
ნათელ სხივებს სანატრ მზისას!

წინ, წინ, ძმებო!.. ჩვენს წაკატებს
ვაფრქვევინოთ ნაპერწყალი!

წავეუკიდოთ ამ ბნელ-წყვედიადს
განთიადის სხივთა ალი!

ობოლი მუშა.

ალექსი.

(მოთხრობა)

I

მაისის მზის თფილი სხივები ოქროს მძივებით ფერქვევდა კონტათ აღმართულ, მწვანე სამოსით მოსილ გორს, რომლის მწვერვალიდანაც ამაყათ ვადმოიყურებოდა ძველის ძველი ეკლესიის ნანგრევები, და თვალწარმტაცათ აფერადებდა, აშვენებდა იქაურობას...

ყვავილებით მოქარგულ გორის ფერდობზე, მზის ელვარე სხივებში ლაღათ დაფარფატობდენ ქრელი პეპლები და ხენ ერთ ყვავილს ესტუმრებოდენ, ხან—მეორეს...

ფრინველნიც ჟივილ-ხივილით ჩამოუქროლებდენ ხოლმე ფერდობს, სივრცეში გაინავარდებდენ და ელვის სისწრაფით იქვე ტყეში ჩაიმალებოდენ.

ყოველგან სიცოცხლის უხვი ძალა ჩქეფდა. სხივ-ფერქვეული ნაზი ყვავილებიც-კი იღიმებოდენ, —მზეს შეტრფოდენ გულ-გაღელილნი...

და, ამ გორის გარშემო მდებარე სოფლების მცხოვრებნიც ამოძრავებულნიყვენ, დელავდენ, ბობოქრობდენ, თითქო მზის ცხოველმყოფელ სხივებს მითთვისაც ეგძნობინებია, რომ ასე ცხოვრება არ შეიძლება, რო საჭიროა ახალი, შვების მომგვრელი ცხოვრების გამოქედვა...

აგერ, ისინი გროვდებიან იმ ეკლესიის გარშემო, რომელიც იდესდაც ჩვენ მეძოლ წინაპარებს აუგიათ მტრის გულის მოსაკვლელათ და ღვთის სადიდებლათ, რომელიც თავის დანგრეული კედლებით კიდევ უფრო ზღიდა მათ გულში განახლებისკენ მისწრაფებას,—და, ჯგუფ ჯგუფათ დაყოფილნი, კამათობენ, მსჯელობენ, გამოსავალ გზას ეძებენ... გორის მწვერვალი ხალხითაა მოფენილი. სიმღერა, სიცილი და ხმა მალღა ღაპარაკი ერთმანეთში ირევა; ერთ ნეღვარ ხმას ქმნის; და ამ ბობოქარ ხმას ცელქი ნიაფი იტაცებს, შორს, შორს მიაქროლებს და გაღმა მალაღი მთების ორწოხში ჩააქვს, თითქო ჩაფიქრებულ მთებს ეუბნება:—, რას ჩაფიქრებულხართ? რა გაწუხებთ? ხო ხედაეთ, ხალხი მოძრაობს, თქვენც ამოძრავდით, გეყოთ ამდენი ფიქრო!“!...

მარა ისინი ნიაფის დუღუნს ყურს არ უგდებენ, ხალხის მოძრაობა მათ არ აკვირ-

ვებს. კარგათ იციან, რო ხალხი მარად მოძრაობს, მარად წინ მიილტვის. და ვაი მას, ეინც მას წინ გადაელობება! მთების ნამსხვრევებს სწირათ შეუფუბავს ის ჩხრიალა ლელე, რომელიც ახლაც მარდათ მირაკრაკობს მათ ძირში. მარა ლელე ყოველთვის გუბდებოდა, ძალას იკრებდა და, შემდეგ, ერთბაშათ გადახეთქდა იმ ხელოვნურ ზღუდეს, ხოლო ნამსხვრევებს-კი თავის მჩქეფარ ზვირთებში გახვევდა და სელ კისრის ტეხით გაიგდებდა წინ... ასეა ხალხიც... ეს მთებმა კარგათ იციან და, აბა, ნიავის ნაამზობი მათ, როგორ გააკვირვებს.

აგერ, თოფმა იგრილა: ერთი, ორი, სამი... რაზმელები სროლას სწავლობენ, ბძოლის ცეცხლით გულ-ანთებულნი საბძოლველათ ემზადებიან... კიუნა და ხმაურობა თან და თან ძლიერდება... ხარა, აგერ ხალხი უცებ შეინძრა და ერთ ალაგას შეჯგუფდა... ეკლესიის ნანგრევთან, მალაღ ქვაზე უკან თან გადავარცხნილი, ახოვანი და ძალ-ღონით სავსე ჰაბუკი ავიდა, წარმტაცათ გამოქანდაკდა... ყველა მას მიჩერებია. მან ნელა ასწია მარჯვენა ხელი, მარცხნიდან მარჯვნივ გააყოლა... და სამარისებური ღუმილი გამეფდა ირგვლივ... ამეტყველდა ჰაბუკი... მისი ხმა თანდა თან მატულობს, თანდა თან უფრო ძლიერათ ხედება მსმენელთა გულს... და, აბა, ამქუხრდა იგი!... არა, კაცო უნდა გამოუთქმელო სიყვარულით იყოს გამსჭვალული იმ ხალხისაღმი, რომელსაც ელაპარაკება, მათი კეთილ დღეობისთვის უნდა იწვოდეს მისი გული, რომ ასე ცეცხლივით აენთოს და ყოველი სიტყვა, ყოველი ხალისი და სახის მოძრაობა მსმენელთა გულის სიღრმეში აღბეჭდოს, ის უთხრას და აუხსნას, რააც მსმენელი დიდი ხანია გძნობდა, მარა სიტყვით ვერ გამოეთქვა, და გული დაუამოს.

აგერ, ჩიტმა ვადაუქროლა ხალხს თავზე, შეფარფატდა და იქვე ახლოს ხეზე შემოჯდა. აღბათ, ისიც მოხიბლა მისმა ჰერმეტყველობამ.

ჰაბუკის მაღალი შუბლი ოვლის წინწკლებით დაიფარა... მსმენელთა სულიერმა მღელვარებამ სახეზე ოვლის ცვარა აპკურა, მარა კვლავ სულ-განაბული უმსენენ.

მის ახლოს დგას მაღალ-მაღალი, მოსულ-ლი ვაშკაცი, რომელსაც არწივისებური ცხვი-

რი აქვს და დიდრონი, ცეცხლის მგრქვევი თვალები. ის რაზმის წინამძღოლია. მას მარცხენა ხელით თოფი უჭირავს და მარჯვენათი წითელი დროშა, რომელსაც ნიავი ოდნავ არხვეს, ეთამაშება ცელქი... მის გარშემო სხვა რაზმელებიც დგანან, ყველანი შეიარაღებულნი არიან... აგერ, 18 წლის შეიარაღებული ნაზ სახიანი ალექსიც. მარა, ღმერთო, როგორ ანთებია მას ეს ნაზი, შვენეირი სახე, როგორ გავარდისფერებულა ამისი ლაწვები! თვალები, გაბწყინებული თვალები-კი ჰაბუკისთვის მიუპყრია და... მიწაზე -ფეხი აღარ უდგას, ფთებ-შესხმულია, ცის ლაყვარლ სივრცეში დანავარდობს...

მას თვალწინ გამოსახვია ბწყინვალე, ჯერ უნახავი მზე, რომლის სხივებიც მთელ მის არსებაში ჩაქსოვილა, და ისიც თავ დავიწყებით მიქრის ამ მზისკენ... და ამ ქროლაში ტკბილს, ერთ გამოუთქმელ ნეტარებას გძნობს.

ჰაბუკმა უკანასკნელი, გულის სიღრმიდან ამოკვეთილი სიტყვები ცეცხლის ნაკვერჩხლებივით მოფინა კრებას და... იგრილა ხალხის ძლიერმა ხმამ. ამდენი ხნით შეკავებულმა მსმენელთა ენერგიამ გამოსავალი იპოვა და შეძრა, შეაწრიალა იქაურობა... ჰაერში ტყვიამ გაიზუზუნა და სადღაც შორს მისწყდა...

ხის შტოზე მჯდარი ჩიტი, რომელიც ამდენ ხან სულ განაბული იყო, შეფთქილდა, წაიკვნეს — წაიჭიკიკა და თავის მფარველ ტყეში ჩაიშალა...

კრება დაიშალა. ხალხი ჯგუფ-ჯგუფათ მიდის სოფლებში. აგერ, რაზმელებიც ეშვებიან დაღმართში... ალექსიც მათთანაა. უცებ მას დედის ხმა შემოესმა და შემოტრიალდა...

ორმოცი წლის, ჯერ კიდევ ძალ-ღონით სავსე მართა შვილს მიეგება და ალერსით უთხრა:

— შეილო, სამი დღეა სახლში არ ყოფილხარ; ახლა მაინც წამოდრ, სადილი ჰამე და, მერე, წადი, გენაცვალე...

— ვერა, დედა... არ მცალია, საქმე მაქვს...

— ღმერთო, შენ სულ საქმე გაქვს! საწ-

ყოლობელი დედა შენი და ოჯახი-კი სულ და-
ვიწყებ.

— არა, დედა, შენ, აბა, როგორ დაგი-
ვიწყებ! ამას რატომ ამბობ... ხო ხედავ-ყვე-
ლა საერთო საქმეს აკეთებს, ყველა მოქმე-
დობს. მე იმათ ხო ვერ ჩამოვრჩება... ლაჩარს
დამიძახებენ...

— რა ვქნა, შეილა! მე-კი მეშინია და...
მოსვენება აღარ მაქვს. შენ რო რამე შეგემ-
თხვეს, მაშინ რაღა ეშველება უბედურ დედა
შენს...

— მე რა უნდა შეგემთხვეს, დედა! შენ
ჩემი ჯავრი ნუ გაქვს, კარგათ იყავი...

უცებ დაღმართში მიმავალმა რაზემეღებ-
მა გულის ამტოვებელი სიძღვრა შემოძახეს...
უცნაური ძალით აღსავეს სიძღვრა ტკბილათ
ფენებოდა იქაურობას და ზარასავით გუგუ-
ნებდა, წკრიალებდა. ალექსის სახეზე აღი-
მოედო, გული აუტოკდა.

— მშვიდობით, დედა! კარგათ იყავი! — მი-
ძახა მან ცრემლომორეულ მართას და ელვის
სისწრაფით დაეშვა ამხანაგებისკენ...

დედობრივი სიყვარულით გულ-ათრთო-
ლებული მართა-კი ალაგიდან ვერ დაძრული-
ყო, იქავე იდგა, და ცრემლით სავსე თვა-
ლებს თან აყოლებდა თავის ალექსის, თავის
ღვიძლს...

ვინ იცის, თუ, რა ცეცხლი ტრიალებდა
ამ დროს მართას მღელვარე გულში!

II.

ბნელი ბურუსის საფარველი ჩამოწო-
ლია მიდამოს... თოვლის თეთრ სამოსში გა-
ხვეული მთები ნისლით შებურვილან, თითქო
არ სურთ დინახონ ის საშინელება, რომე-
ლიც მათ გარშემო მდებარე სოფლებში ხდე-
ბა, თითქო მათაც-კი ატკინა გული იქ გამე-
ფებულმა კვენეს-ტირილმა და ბნელი ძალის
აღვირ წახსნილმა თარეშმა...

ლამება...

იმ გორს, სადაც ზაფხულში სიცოც-
ხლის ძალა ფეთქდა, სადაც ხალხი ახალი
ცხოვრების გასაქედათ იკრიბებოდა და სათა-
ვისუფლო ძახილი, კიჟინა და სიძღვრა ისმოდა
და — ახლა მუქინისლი დაპატრონებია, გარშემო
შემოფენია და სოფლებლთა თვალებისგან და-
უფარავს, თითქო არ უნდა დაინახოს მათ

ის ალაგი, სადაც ისინი ისე აფთოვანებუ-
ლნი და იმედით გულ-ანთებულნი იყვენ...
ეკლესიის ნანგრევები აღარ ჩანს... იქ ახლა
დუმილი, მკვდრული დუმილი სუფევს...

...ხოლო სოფლებში წესიერების აღსაღ-
გენათ ჩაფარნი და კაზახნი დააქროლებენ
გაოფლიანებულ ცხენებს...

...სდუმს ძრწოლოვით გარე მოცულო სო-
ფელი... ბუნებაც ჩაფიქრებულია, აღარ მო-
ძრავს. მხოლოდ დღეღებები და არღვევენ ამ
საშინელ სიწყნარეს — ნელა მიდუღუნებენ,
თითქო მათაც ეშინიათ, რო თავის ჩხრი-
ლით არაფინ გააბრაზონ... ვანრისხება-კი ისე
ადვილია!.. საქმარისა კრინტის დაძვრა, მცი-
რე უკმაყოფილების გამოცხადება,

სიბნელე თან და თან მატულობს, — და,
აბა, უკანასკნელათ ამოიოხვრა დღის სინათ-
ლემ: ციგმა ნიავმა ზანტათ გაისინა სივრ-
ცეში და... სოფელი წყვილადში გაეხვია.

აგერ, ვილაც ღობეზე ფთხილათ გადა-
ვიდა და მართას სახლისკენ წავიდა. ძაღლმა
რამდენჯერმე შეიყეფა. მარა მალე დაწყნარ-
და და სტუმარს კულის ქნევით და წაქუტუ-
ნით მიეგება.

ის სახლის კართან მივიდა და ნელა დაა-
რაკუნა.

— რომელი ხარ? — მოისმა შიგნიდან მარ-
თას აკანკალებული ხმა.

მე ვარ-ალექსი...

ვაიმე, შეილა! — წამოიძახა მართამ,
სწრაფათ კარი გააღო და შეილი გულში
ჩაიკრა. იგი თავ-დავიწყებით კოცნიდა შეილს...

სახლის კედელთან გძლათ გადგმულ
ტახტიდან ალექსის უნცროსი ძმა — ნიკო ღ
და ნინა წამოიჭრენ, ძმასთან მივიდენ და მა-
თაც კოცნა დაუწყეს.

— ალექსი, მომე, ძამია, მე მაგი თოფი,
შენ დაჯექი და ილაპარაკე! — შეეხვეწა მას
14 წლის ნიკო.

— ღმერთო, მომკალი და ქია! — წამოიძი-
ხა მართამ, — რათ გინდა, ბიჭო, შენ თოფი?...
მომეცი, გენაცვალე, ალექსი, ეს დასალუპა-
ვი თოფი, ევერ, კუთხეში მივაგლებ.

ალექსის მწარეთ გაეცინა და ღიმილით
უთხრა:

—დედა, ისე ლაპარაკობ, თითქო თავისუფალი ვიყო, თითქო ყოველ წუთში დაკერა არ მელოდეს... მკონდეს მე ეს თოფი, ავი არის ახლა ჩემი მცველი... ხომ იცი, ცოტა ხნით ვარ მოსული...

—ოი, მოგიკვდეს ჩემი თავი!.. რა ვქნა, მე უბედურმა?!—წამოიძახა მართამ და ტირილი დაიწყო... ნინაც აქვითინდა... ნიკო-კი სახე მოღრუბლული იდგა და ალექსის თოფსა და წელზე შემორტყმულ ტყვიებს თვალს არ აშორებდა...

—რა გატირებს, დედა? სულ ასე არ იქნება... მალე ჩვენც გვეშველება და ოჯახს დაფუბრუნდები... ახლა დამშვიდდი და ერთი ეს მითხარი:—ოჯახის საქმე, როგორ არი? როგორ ცხოვრობთ?

—რაი?!—ხმა მალლა წამოიძახა ალექსიმ, სახე აენტო და თოფს ხელი მოუჭირა, თითქო მასზე უნდოდა გადაეტანა თავის გულის ჯავრი...

ნინაც გაწითლდა, შერცხვა, თავი ჩაღუნა და კუთხისკენ წავიდა... მისი უმანკო გული გველივით საზიზღარმა მოგონებამ მოკუმშა, საშინელი ტანჯვა ატანდა...

ალექსი დისკენ გაქანდა, ხელი მოკიდა და თავისკენ მიიზიდა.

—მოდო, გენაცვალე, დაიკო, მოდი!.. სანამ შენი ალექსი ცოცხალია, შენს შეურაცყოფას ვერავინ გაბედავს...

ალექსი უცებ შეჩერდა, საშინელმა მწუხარებამ შეიპყრო მისი გული... „ვერავინ გაბედავს“ მწარეთ გაიფიქრა მან.—„შენ ხო ტყეში ხარ გადამალული, თავს იფარავ და ესენი-კი აქ უპატრონოთ არიან დაყრილნი!..—არა, აღარ წავალ აწი აქიდან!..—, არ წავალ და შენც მოგკლოვენ და ამითაც კი დღეს არ დააყრიან“... გაუელვა მას თავში და ტახტზე უღონოთ დაეშვა... თავ ჩაქინდრული ზის, ღრმით დაფიქრებული ალექსი...

—რა მოგივდა, შეილო?.. მაშინ იმ

უბედურობას გადაეურჩით და აწი ღმერთია მოწყალე... დამშვიდდი, შემოგველე!... მართლა, ნინა! ალექსი უქმელი იქნება და ერთი კვერი გამოვუცხათ... რამდენი ხანია, სახლში საკმელი არ უქამია!...

—არა, დედა, მე არაფერი არ წინდა... უნდა წავიდე. ვინ იცის, იქნებ, ვინმემ თვალი მომკრა და...

—ოჰ, ღმერთო! სად უნდა წახვიდე, შეილო, ამ ღამეში?...

—ამხანაგებთან, დედი!

—შორს არიან, ალექსი, შენი ამხანაგები?—შეკითხა მას ნიკო, რომელიც ამდენხანს სდუმდა და ძმას სიყვარულით აღსავსე თვალებს არ აშორებდა. ეტყობოდა, რო მას ალექსი რაღაც არა ჩვეულებრივი სიყვარულით უყვარდა.

ალექსის გულს ტკბილათ შეეხა ეს ძმის კითხვა და ალერსით უპასუხა:

—არა, ჩემო ნიკო!.. შენ ჰკუთით იყავი, ძამია! დედა შენს ყოველიფერი გაუგონე...

—კი!... წყნარათ უბასუხა ნიკომ და მისი შავი თვალები კვლავ ძმას მიანათა...

ალექსი ადგა, ყველას გამოემშვიდობა და კარისკენ წავიდა...

—დედა, შეილო! შენ იცი, შენი კირი-მე; რა ჰკუთით იქნები!.. თავს გაუფთხილდი, გენაცვალე!— ათრთოლებული ხმით უთხრა მართამ კარებთან მისულს ალექსის და ცრემლები ვეღარ შეიკავა, აქვითინდა ბედ-შავი...

მან უცებ მოიხედა; უნდოდა დედისთვის სანუგეშო სიტყვა ეთქვა, მარა ვერ გაახერხა და სწრაფათ გარეთ გავიდა, ღამის წყვდიადში მიიძალა...

III

ზაფხულის მზის ბწყინვალე სხივები თრთოლოვით მოსწყდა ამწვანებულ მთების მწვერვალებს, ცის თაღს გადაეკლო, ააფლვარა და... ჩაიფერფლა, გაქრა... საღამოს გრილმა ნიავმა ფთა იცქვიტა, ფერ მკრთალ სივრცეში შეფარფატდა და სოფელს ჩამოუქროლა, ხის ფოთლებს მიუაღერსა, ააშრილა და თვითაც ამ შრიალში ჩაექსოვა... ლაჟვარდს ცაზე ვარსკვლავნი აენთენ, აციმციმდენ... აგერ; თავი ამყო ვარდისფრათ აცილვარებულმა ჰირ სავსე მთვარემ, არეს მორცხვი ღმილით გადმოხედა და სხივთა კონები მოაფრქვია...

ჩაქინდა დღის ვარამით დაღლილ სოფელს...

ღრმათ ჩაფიქრებული ალექსი-კი თავის ეზოს მიუახლოვდა, ღობეზე ფთხილათ გადავიდა, ცოტა გაიარა და უცებ შეჩერდა.

—რო მივიღივარ, რა მიმაქვს?—თავის თავისთვის ჩაილაპარაკა მან და იქვე ტოტებ გაშლილ მუხის ჩრდილში მიიმალა...

მთვარის სხივებით მოფენილი მუხის ფოთლები ტოკავს, შრიალებს... ხოლო თოფს დაყდობილი ალექსი—კი, მწარე ფიქრების ქსელში გაეხვია.

...—სანამდი უნდა ვიყო ასე?.. მე თუ გინდა კარგი, გაეძღებ, ყველაფერს ავიტან; მარა ოჯახს, რა ვუყო?.. რამდენი ხანია საშინელ გაკვირებაში არიან... საწყალობელი დედა! ღონე გამოვლია ამდენი აუტანელი შრომით და გაკვირებით... მე-კი, დახმარების მაგიერათ, ვაწუხებ.

... ახ-

ლა რო მივიღივარ, რა მინდა? რა უნდა მივეუტანო ტირილის და მწუხარების მეტი?.. არა, არა მეტი აღარ შემიძლია! წავალ, დავიკარგებ სადმე!... მარა, სად წავიდე? მათი ასე დატოვები რომ არ შემიძლია!.. მართალი არი სანდრო... მეტი გზა აღარ არის, იმ საქმეზე უნდა წავიდე... ოჰ, როგორ მეძნელება! ასე მგონია, ჩემს სულში რაღაც ნათელი სხივები ქრება და სიბნელე მეფდება... კაჩალის სახელით დღემდეც ვიყავი მონათლული ზოგიერთ უნამუსო ადამიანებისგან. მარა აწი ნამდვილი კაჩალი, მკარცველი ვიქნები!.. ღმერთო, რა მაფიქრებინებდა მე, თუ აქამდე მოვიდოდი!.. მე და კაჩალი? განა ეს შესაძლებელია? განა მე მიტომ არ ავიღე იარაღი ხელში, რომ უსამართლობას შევძოლოდი? ახლა-კი თვით მე უნდა გავხდე უსამართლობის ჩამდენი!.. რა ვქნა? არ შემიძლია იმის ატანა, რო ჩემი დედა, და ძმა შიმშილით მებოცებოდენ და სხვები-კი ფუფუნებაში ათასობით ხარჯავდენ... მორჩა... ვათავდა... მშვიდობით ჩემო ნათელი მზეო! ყოველ გაკვირების დროს შენი სხივები მინათებდა ცხოვრების გზას, შენკენ მოვქროდი და... ახლა-კი გადავიჩეხე... სად მივალ, არც მე ვიცი!..

მან სწრაფათ წამოავლო ოთფს ხელი, ღობისკენ წავიდა და იქ, რო მივიდა, ერთხელ კიდევ მოიხედა, თავის პატარა სახლს დააშტერდა... დიდხანს, დიდხანს უცქირა, თითქო კედლების გარღვევა და თვისი დედის, დისა და ძმის დანახვა უნდაო. მარა შე-

მდგე—, არა, ასე ვერ მივალ!.. წამოიძახა ღობეზე გადაეშვა...

ობოლი მუშა.

(შემდეგი იქნება)

შურის ძიების სხვერპლი.*)

III.

ელისაბედის წინათგონობა საფუძველიანი გამოდგა. მარინე ცას სწვდა სიხარულით, ელისაბედს კვატის გაყიდვაზე რო შეესწრო. ამით მან თავის შესაქცევი საქმე გაიჩინა. ივლიტას სწორეთ ზედ-გამოქრილი იმფერი და იმდენა კვატები დაეკარგა, რანაირებიც ელისაბედმა შუშანიკას მიყიდა. უეპველია, ივლიტას მოპარა ელისაბედმა კვატები და გაყიდა. თუ მოპარული არ იყო, რატო დაედვა მას ისეთი ფერი, ან კიდევ, რატომალავდა იმათ კაბის ქვეშ. ვინ იყო, რო თავის საქონელს ფარულათ ყიდა. ივლიტამ თელი მეზობლები „გათართნა“ და წყევლა-კრულვით ამოავლო და აქ-კი ეს უნამუსო დედაკაცი, ვითომც და აქ არაფერიაო, თავისუფლათ ყიდის სხვის კვატებს. არც-კი ეშინია: შამომესწრება ვინმე და გამიგებენო...

ასეთ ფიქრებში გართული მარინე ნელის ნაბიჯით გადავიდა ეზოდან.

პატარა ფერდობებ შორის, რაზედაც მცხოვრებთა ქოხ მახები იყო ჩამწკრივებული, ვიწრო სასოფლო გზა გველივით მიიკლაკნებოდა; ელისაბედის ეზოს უვლიდა, შემდეგ, დასავლეთისკენ იხრებოდა და პირდაპირ დიდ შარა გზაზე გადიოდა. აქვე პატარა დეღე მირაკრაკებდა და საიღუმლო ხმებს ჩაჩურჩულებდა მასზე ნახათ თავდახრილ ტურფათ აბიბინებულ მცენარეთ.

ელისაბედის ეზოს პირდაპირ, გზის გამოღმა მათია ბარბაცაძე, ივლიტას ქმარი, ცხოვრობდა.

მათიას ეზოს, დასავლეთიდან, ზემოაღნიშნული დიდი სასოფლოშარა-გზა უვლიდა,

*) იხ. „განთიადი“, № 17.

რომელიც პირდაპირ ბაზარში მიდიოდა და აქიდან—კი რკინის გზის სადგურამდი.

ცოტათი დაცილებით, სადაც ეს შარაგზა ორღობეს უერთდებოდა, სწორეთ მათიას ეზოს კუთხეში ჩრდილო-დასავლეთით, გვარიანი მოზდილი ღელე მიმდინარობდა. ამ ღელემ, განსაკუთრებით გაზაფხულზე, ძლიერი აღიდება იკოდა. ამ დროს არაფერს ინდობდა იგი.—გაფრთხილებული მიშხუოდა და მილექავდა ყველაფერს, რაც-კი წინ გადაედობებოდა: წისქვილებს, ხიდებს და ხშირათ ახლო-მახლო მდებარე გლეხთ-კაცის სარჩო საბადებელსაც.

გამოღმა მცხოვრებნი დიდ გაჭირვებაში ცვივდებოდნენ. ივანი მოწყვეტილი იყვენ სოფლის „ცენტრს“—ბაზარს და იძულებული ხდებოდნენ ეცადათ მანამდი, სანამ წყალი არ დაიკლებდა და შესაძლებელი იქნებოდა ხიდის გაკეთება.

გადებდნენ უზარმაზარ ხის ძირისგან ხიდს, ათასნაირათ მიამაგრებდნენ კიდებზე, (კვირაობით ცდებოდნენ ამისთვის), მარა მოვიდოდა ისევ წინაღობი და სულ ერთიანა წალექავდა ამოდნენ ნაწვალ ნაშრომს. ამ რიგათ, მათ გაჭირვებას დასასრული არ უჩდა: ქვის ხიდის გამკეთებელი და თავი და თავი-კი მოთავე არაფერი იყო.

მარინე ნელი ნაბიჯით დაყვა ორ-ღობეს, ელისაბედის ქიშკართან შეჩერდა. ირგვლივ მიმოიხედა და კატასავით ფთხილათ მათე ბარბაცაძის ეზოში ჩახტა. მას მოთმინება აღარ დაურჩა, რო ქიშკრიდან შამოველო; გზის შემოაკლება არჩია, მიუხედავთ იმისა, რომ აღმართი და ბარდ-ეკლები ქონდა გასაველო.

ქშენით აირბინა მარინემ ეს აღმართი, ოდას უქნიდან შამოუარა და ფართე აივანზე შეუშინველათ ავიდა.

ივლიტა ამ დროს დაბალ სამფეხა სკამზე იჯდა და ვამალებით წინდასა ქსოვდა. მარინეს ფეხის ხმაზე იგი შეკრთა და შემინებული თავი მალლა ასწია.

— რამ შეგაზინა, შე ქალო!— გამოეხმაურა მას მარინე და, მისალმების შემდეგ, ჩამოჯდა იქვე ხის ტაბურეტ სკამზე.

— ჩაფიქრებული ვიყავი... აგერ, მხეც მომდგომია,— ამ სიტყვებით ივლიტამ ადგილი გამოინაცვლა.

— დასწყევლოს ღმერთმა! ყოლიფერი ჩვენი შემაწუხებელია. იმისანაი სიცხეებია, რომ არ იცი, რა უნდა ქნა კაცმა. სული ველარ მოგთქვამს, ისე დეიხუთა პაიერი, თქვა მარინემ და გაოფლიანებული პირი-სახე თავსაკრავი ჩითითმოიწმინდა.

— ჩვენ კიდევ, რა გვიშავს, ჩეროში ქე მინც დავჯდებით. იკითხოს საწყალობელმა კაცებმა, თვარა!... დახურებულ პაპანებაში უნდა ურტყან და ურტყან ოყიანი თოხნი!..

— არა, რომ იტყვიან გადატრიალდა ქვეყანაო, ესაა სწორეფ. თუ დეიწყო წვიმა საშვალი და სახიდებელიარ აქ. წვიმს და... წვიმს განუწყვეტლათ. თუ ასიცხდა, ცეხლი გვიდება ყოლიფერს. წინეთ, მახსოვს, ზენა ქარი რო დაუბერავდა, თჯათ გააგრძლებდა ყოლიფერს და ახლა სადაა ზენაი, ან რაჟე...

— ბუნება-კი არა, კაციც გამოცვლილია, ჩემო დაია. სადაა ახლა ძველათ, ჩვენ დროში ქალიშვილები და ყმაწვილკაცები რომ იყო. ყველაყი წამხთარი და გაფუჭებულია. გუშამ აქანაი ვინცხა კაკარტიანი კაცები და ქალიშვილები გვიარნენ. უი... უი... რანახა ჩემმა თვალებმა, რა საშინილება ნახა. ქალო, აგი განხურტრუცებული გოგუები პირდაპირ თავზე აჯდებოდნენ კაცებს. ყვიროდნენ, ხარხარობდნენ, ერთმანეთს თხრილში აგდებდნენ. სულ დაპწინა და დაჯგვლიმა ციცები ამ შვა დლისას ბიჭებმა. გინახავს და მოგსწორია კაცს... ჩვენც—კი ვიყავით ქალიშვილები, მარა ვინცხა კაძახი, რავა გაგვიბედავდა ხელის შეხებას!..

— აგი კილომ არაფერი.. უკეთეს გეტყო, აგერ. ერთი ვინცხა გაქუცული მეგრელი უჩიტელი ჩამოსრულა აქანაი. ივანიკის გოგოს, აი, ჰოგიმნაზია რო გაათავა ქუთთიში, გადაკიდებია-მიყვარხარ, მიყვარხარო და ქე არ შუუტდენია, თურმე. მუცელი გაბიზინებული აქ, თურმე, .. კარში აღარ დადის..

— უი. უი!. რავა მოჯაყულა, რავა მოჭრია ცოცხლითაი კისერი!..

—აი, ამისთანაი ბარიშნება ახლანდელი ბარიშნები!..

—ავი, მე თუ მკითხავ, კლასის ბრალია ყოლიფერი. რა ეკლასება გოგუებს. შეისტავლიან ორ ღერ რუსულს და, მერე, თელი ქვეყანა მათი გონიათ. ეხუნტრუცებიენ, ეხუნტრუცებიენ: მე ნასტავლი ქალი ვარ, არ შეიყობა სირცხილი-კი არა, განათლებათაა და .. გამომასკვანჩილებენ კაი ბიჭს...

—წამხდარია, ჩემო დაო, დროი, წამხდარი! ძველებური სვინდისი და ნამუსი აღარ რის.

—სვინდისი და ნამუსი რომ იყოს, რაღა გვიჭირს-მაშინ!. ქათმები ვეღარ გაგოშვია ეზოში, გეშინია არავინ მომპარსო. შორს, რეიზა მიხვალ. რამაც სულიერმა კვატები მომპარა ამ ცისმარა დღეს, იმას სვინდისი და ნამუსი მიეთხოვა! კვატები, მარა რაკვატები! ავ თვალსარ შეიხედებოდა ზეთ!..

მარინესაც სწორეთ ეს უნდოდა. იგი დიდი ხანია ცდილობდა კვატებზე ჩამოეგდო ლაპარაკი, მარა ვერ ახერხებდა. ამის საბაბი თვით ივლიტამ მისცა მას. რავარც იხელთა მოხერხებული დრო „მოხსნა მარინემ გუდას თავი“ და დაწერილებით უამბო ივლიტასახლახან ნახული და გაგონილი.

—მე რო დამინახა, ქუჭულების დამალვა უნდოდა, მარა ვერ მოახერხა. ქუჭულებმა ყვირილი მორთეს. სულ რვა იყო; სწორეთ იმ ნიშნების, შენ რომ ამბობ: შავ-შავი, ასე ორი კვირისგამოჩეკილი იქნებოდა...დაათავა მარინემ ლაპარაკი და ცნობის მოყვარობით ივლიტას ჩააშტერდა.

—ხო, ხო! სწორეთ რვა ქუჭული დამეკარქა... შავ-შავი... ორი კვირის გამოჩეკილი. ჩემია... უეჭველათ, ჩემია... ელცაბედას მუუბა-

რავს, იმ ნათრიელას, ქურდალიას... ნერვებ აშლილივით მორთო ივლიტამ ყვირილი და ელისაბედის ლანძღვა—გინება.

ივლიტა წინათაც არ იყო ელისაბედთან კეთილ განწყობილებაში. მან ერთხელ შალიკო გაწკებლა, რომელსაც ვაშლის ჩამოგდება გაეებდნა მის ეზოში და სხვა მოწაფეებთან ერთად ლობე ჩაემტვრია.

ელისაბედმა ეს იწყინა, დობლ-მორეთული გაექანა ივლიტასკენ და, რო მოხავე კაცები არა, ერთი უბედურება და შფოთი ატყდებოდა: ელისაბედი დორზე შეაჩერეს და ლაპარუნეს უკან.

ივლიტას ეს კარგათ ახსოვდა. ახსოვდა ელისაბედის უშვერი სიტყვები და მუქარა; ყოველივე ეს გულში დაემარხა. რო მოხერხებულ დროს გაეხსენებია მისთვის.

ეს დროც მალე დაუდგა.

ელისაბედმა კვატები მოპარა მას, ნაკვადე-ნაწვალეები კვატები, ისიც ცისმარა დღეს.. ეს საზიზღრობა... ადამიანის აბუჩათ ავდება... ამისთვის სასტიკათ უნდა დაისაჯოს იგი: ქურდს რო ქურდობა შერჩება, ბანს გავა... მოსვენებას არ მოგცემს.

ივლიტა ყვიროდა... ილანძღებოდა..

მარინე კი იჯდა მხიარულათ და დრო გამოშვებით ცეცხლზე ნავთს ასხამდა. გულში-კი იცინოდა, ტყებოდა თვისი ნამოქმედართ.

გ. ვბრაღიტე.

გ ძ ნ ო ბ ი ს ტ ა ლ ღ ა .

მყუდრო ნავის იალქანზე ჩამოეჭლო ყოფნის დროშა
ზღვამ უძირომ, ქოთ-ქოთ ტალღამ თეთრი აფრა ათამაშა,
მძივთა კოშკში, შეუმცნობი, დროთა მწუხრში გამოფინა,
და წალკოტი ჩაგრულთ შვილთა აღთქმის მხარეს მოაფინა.

* *

ქვეყნის ზვირთი. ცრემლთა ტალღა კლდეთა ნაპარალს მიახეთქა,
აჩუხჩუხდა ბედის წერა, ამოძრავდა მიწის ფეფქა...
დრომ წარმოშვა ღიმთა რიდე, შავი ცდომა გადამქრალი,
გძნობის გრდემლზე გამოჰქედა ხმა ცხოვრების მომავალი...

* *

საუკუნემ გამოაკვესა ქვეყნის ხუნდი ცრემლთ ქურაზე,
ცელქმა სიომ ჩაუქროლა, აიტაცა სევდის მთაზე,
ღრუბელთ გროვა მოახვია ცის სივრცეში განაცივი,
ბედის კორტოხს გამოსტაცა მოელვარე თეთრი სხივი...

* *

გძნობის ტალღამ გამომრიყა, უგძნობ ფიქრში გაღმი-
[სროლა,
უკვდავბათ გარდაქმნილი, მწუხრის ღალღა ჩამიქროლა,
იმედები. შვების მფენი, პარნასის მთას ჩამობანა,
შავსა ზღაპრათ გამოჰქედა ეს სოფლიო ამოცანა..

* *

—ეჰ, ვინ უწყის მიწის ეტლი, რომელ ზვირთებს მიგაბა-
[რებს,
სულის ლტოლვა მომავლის, თუ ბედის ხომლს ასამარებს...
ქვეყნის ცრემლი, შავი ფიქრი, საღ ყვავილზე აღმოჩნდება,
მგოსნის მუზა, სიმთ ქვითინი, თუ, ვით გძნობა, ჩამოდნება!..

ს. ტაიფუნი.

მათეს დასაფლავება.

(სურათი სოფლის მხურვლებიდან).

I

აღიონი იყო.

დღის სინათლის მოახლოვებით ფერმკრთალი ვარსკვლავები ტრედის ფრათ მოკამკამე ცის სივრცეში თანდათან ინთქებოდნენ.

დღიური შრომით დაქანცულ სოფელ ფსხალარას მცხოვრებთ კიდევ ვერ დაეღწიათ თავი ტყბილი ძილისთვის.

რგველივ გამეფებულ სამარისებურ სიჩუმეს მხოლოდ ნელი სიოსგან შერხეული ხეების ფოთოლთ შრიალი არღვევდა.

—ვაი, ჩემ შავ დღეს! უბედურს!...

ჩემო ბა-ბა, ჩემო ბა-ტო-ნოო!... რა მიქენი ვეგია!... —დაიღრიალა სახლის აივანზე გულზე ხელებ დაყდნობილმა სიმონამ. ამას მოყვა ქალთა უცნაური, გულშემზარავი წივილკივილი და ამცნეს კუთხემეზობელთ ოჯახის უფროსის, მათე ხირკაძის გარდაცვალება.

ათი წუთიც არ იქნებოდა გასული, როცა ყოველი მხრიდან მოაწყდა მეზობლები მიცვალებულის სატირლათ.

ხანგრძლივი თავში ხელების ცემისა და ღრიალის შემდეგ, გამოიხმო სიმონა სახლის აივანზე ბიძა მისმა, გარდაცვლილი მათეს უფროსმა ძმამ-სიკომ, დაუძახეს კიდევ რამდენიმე ხანშიშესულ, გამოკთილ პირს და შეიქნა ბჭობა — თუ რაფერ მოაწყონ დასაფლავება.

—რავე აპირობ, ბიძი? — დაეკითხა სიკო სიმონას.

—რა ვიცი... რავე მირჩევთ თქვენ... უპურღვინობა არ ივარგებს... ოჯახის მამა და ძალღვივით ხო ვერ ვადავთარვევ... მომეჭრება თავი საზოგადოებაში! — ამბობდა ხანგამოშვებით თვალცრემლიანი სიმონა.

— რავეც გენებოს, ბიძი, მარა, მე, თუ მკითხავ, მაგის დრო არაა ახლა! ყველაფერი ერთი ხუთად ფასობს და რა დროის ქელეხია! სახში, როცა მოგსვლოდა საყოფი ღვინო, კილო ვაბედავდა კაცი და ახლა, რაფერ შეიძლება! თუ იყიდე, ხო იცი, რა ღირს, ას მათადაც ვერ იშონი საპანეს; გადასახურავი, რა

უნდა შემოგივიდეს, იმდონი, მესუთედ ხარჯსაც ვერ დაგიფარავს და ჩავარდები ვალეზში; მიცვალებულს არაფერს არ წაადგება და შენ ქე დეიფსები.

— შე კაცო, თედორე იტირა მისმა შეილებმა პურღვინით და მათეს გასვენებაზე არ უნდა დალიოს კაცმა ერთი ჭიქა ღვინო?! ღმერთმა მტერსაც ნუ ათქმევიაოს მაგი! — ჩაერია ლაპარაკში სტეფანე.

—არ ივარგებს, არა, თუ არ იქნა ღვინდასალევი! — დაადასტურა ბესომაც.

—რავე შეიძლება უმისობა — განაგძო სიმონამ — მთელი საცხოვრებლიდან როცა ვადავდე, მაინც უნდა გავასვენო პურღვინით. რაც სხვას არ უქნია ჩვენში, იმას მე რაფერ ვიხამ! ერთი საპანე ღვინო ქე მაქ სახში და ერთორ საპანეს, თუ მიშინით სადმე, ქე იკმარებს.

—საქამადი? — გააწყვეტია გაბრიამ, რომელიც აქამდი ხმას არ იღებდა.

—ლობიო და ფლავი.

—თებზი არ იქნება?! — გაკვირვებით შეეკითხა იავორე.

—თებზი კი არა, ხიზარალა არ გინდა! მკვახეთ მიუგო სიკომ, რომელიც ეტყობოდა, ცოტა გულმოსული იყო მისი წინადადების მიუღებლობის გამო.

—აჰა ლობიე და ფლავი სორეხიეს ტირილზეც ქე იყო, ჩაიბუტბუტა იავორამ და იქვე მღგომ ტაბურეტზე ჩამოჯდა.

II

საბოლოოთ გადაწყვეტეს ქელეხის გაწყობა. კვირა იყო და დასაფლავება ოთხშაბათისთვის დანიშნეს. ხუთი მანათი ერთიდან ისესხეს, თუმანი მეორედან, — ამგვართ შეაგროვეს ექვს თუმანადი და გაგზავნეს ქუთაისში კუბოს, შექამანდისა და პურის შესაკვეთათ, სიკოს ბიძაშვილი ექვთიმე. ეს უკანასკნელი საკმაო შეძლების მქონე კაცი იყო, დიდი ნდობა ქონდა მოპოებული ლაპარაკს ფურნეში და ზოგიერთ სხვა ქუთაისელ ვაჭრებთანაც და, როდესაც — ფულების სიცოტავის გამო, საჭიროება მოითხოვდა მიცვალებულის დასაფლავების დღეს საჭირო პურის, ან სხვა რამეების ნისიით წამოღებას, — ყოველთვის იმას გაგზავნიდნენ.

ხალხი ბლომით მოგროვდა. უფრო მოხუცებულებს შეამჩნევდით, რომელნიც მხოლოდ ჭამა სმისთვის მოსულიყვენ, თორე მომზადებისა და ჭირისუფლის ხელის შეწყობისთვის არცერთი არ იტკენდა თავს.

სიკომ განკარგულება მოახდინა, რომ დასაბატიჯებელი წერილები დამეზადებიათ. მოიტანეს მიხაკის დუქნიდან კონვერტები და ქაღალდები და შეუდგენ წერას.

სამი საათის შემდეგ, უკვე მზათ იყო სამასამდი მოსაწვევი წერილი.

იქ მყოფმა ყმაწვილებმა დაინაწილეს ახლო სოფლებში დასარიგებელი ბარათები და წავიდნენ ფეხით მათ კუთვნილებისამებ ჩასაბარებლათ.

შორს გასაგზავნი წერილების ხელის მოკიდება ყველას უძიმდა.

ზოგიერთი დასაბატიჯებელი 30-40 ვერსტით იყო დაშორებული სოფელ ფსხალარას, რისთვისაც სავანგებოთ უნდა გაეგზავნათ კაცი.

ფეხით წასვლაზე ყველა უარს ამბობდა და ცხენბა-კი, მობილიზაციის გამო, ძალიან ნაკლებათ იშოვებოდა სოფელში.

დატრიალდა სიკო და, როგორც იყო, იშოვა სამი გამხმარი ჭაკი ცხენი.

ამგვართ, დანარჩენი წერილების გაგზავნაც უზრუნველ ყოფილი შეიქნა.

ორი კაცი ჭურების რეცხას შეუდგა; ორიც ღვინის საყიდლათ გაგზავნეს სოფლებში. მოაწია სადილობამ.

მასპინძლისგან გაშლილ სუფრას თითქმის ოცდაათ კაცამდი შემოუსხდა, რომელთა უმრავლესობა მოხუცებულები იყო. დაიწყეს სადღეგძელოები და, საკმაოთ შეზარხოშების შემდეგ, გააბეს თავისებური მუსაიფი: „ლევანია, გინახავს, ივანის ღორებმა რომ ამომავლო! ჩამოსულიყვენ გუშინ ყანაში და არ დო-

უტუებიათ ჩემ ბარობაზე არაფელი“, ლაპარაკობდა ერთი.

„ყოვლათ ბინძური კაცია ე უბედური, ნიკოი: დღე არ გავა, რომ სახლვარი არ გადატეხოს! წასულიყო იქითა ხანებში და ორი არშინი ჩეეკაეებია ჩემი ადგილი“ — ამბობდა მეორე.

ხანგრძლივი სმის შემდეგ, როგორც იქნა ადგნ და წავიდნ თავთავიანთ სახლში.

მეორე დღესაც იგივე განმეორდა: კიდევ გასაძლომათ შეიყარა თავი მოხუცებულებმა ღმუშა ხელი ნაკლებათ იყო.

გაჟენდა შესამე დღე და არც საჯდომები იყო დამარაგებული დაპატიჯებულთათვის, არც ღვინო იყო მოტანილი და არც პური!

ისევ მოხუცებულებს შეეყარათ თავი გასაძლომათ! ამ უკანასკნელთ, ვითომც საქმეს ვაკეთებთო, ბრინჯის ქიშიშისა და ლობიოს დარჩევა ეკისრათ, მარა, ჭამეს თუ არა სადილი, იგიც მიატრევს და გაიპარენ.

როგორც იქნა სიკოს მაცადინობით, საღამოს შეიყარა თავი რამდენიმე მუშა ხელმა.

ზოგი პურის მოსატანათ წავიდა, ზოგი ღვინის და ზოგიც — საჯდომების კეთებას შეუდგა.

ჩამოიარეს სოფელი და ჩამობოქეს, თუ სადმე სუფრები და ტაბურეტები იყო.

შვალამემდი ეზიდებოდნენ ზოგი ურმით და ზოგიც-მხრით.

ოც საჯენზე გაშალეს ეზოში სუფრა. სკამები აღარ აუვიდათ და იძულებული გახდნენ, მათ მაგიერათ, ფიცრები და დიდი ხეები გაეწყათ.

III

გათენდა ოთხშაბათიც — მათეს დასაფლავების დღე.

სუბუქ ღრუბლებით გარშემორტყმული ცა დედამიწას მოწყენით დაყურებდა.

ნელი ნიაგი ოდნავ არხვედა სიმონას სახლის აივანსა და კიშკარზე გაკრულ შავ ძაძებს.

ზალის გვერდით, პატარა წინა ოთახში, ნოხით დაფენილ ტახტზე იდგა თეთრათ შეღებილი კუბო.

მიცვალებულის თავთან მდგომ სასანთლებზე რამდენიმე წვრილი სანთელი იწვოდა.

იქვე შეამჩნევდით ტაბურეტზე მჯდომ მეღავითნეს, რომელსაც დავითნი ბუხარზე ჩამოედო და ყვირთავდა...

ზალა დაფენილი იყო ძველი ნოხებითა და ფარდაგებით ჭირისუფალ, ახლო ნათესავ და მეზობელთა ქალების დასაჯდომათ.

სახლის აივანზე გადმომდგარიყო ძაძებში შავი ცხვირსახოცით თავწაკრული სიმონა, რომელიც, დაპატიჯებულთა მოლოდინში, კიშკარისკენ იყურებოდა.

სიკოს მოეყარა ეზოში თავი რამდენიმე კმაწვილისთვის და არჩევდენ, თუ რაფერ ვაენაწილებიათ ერთმანეთში შრომა, რო რიგიანი პატივი ეცათ მოსულთათვის და მასპინძლისთვის სირცხვილი არ ექმიათ.

სახლზე ცოტა მოშორებით, ორ მაღალ ბიჯგს შვა გაეჩაღებიათ დიდი ცეცხლი და სხვილ სარზე ჩამოკიდებულ უხარ მაზარ სპილენძის ქვაბებში ხარჩავდენ ბრინჯსა და ლობიოს.

პურები ხულაში დაეწყოთ და მიეყენებიათ ერთი ხანში შესული კაცი.

ხულის წინ მდგომ მაგიდაზე ორი კაცი ოთხათ ჭრიდა ორ-ორ ოყიან პურს და იქვე მდგომ გოდრებში აწყობდა.

ერთი კაციც ჭურებს უდგა დარაჯათ.

სუფრის ერთი თავი, რომელზედაც საპატიო სტუმრები უნდა დაეჯდინათ, უფრო სუფთად იყო გაწყობილი: საფენებით, ბოთლებით, ფერადი ქაღალდის ხელსახოცებით.

სკამებიც უფრო რიგიანი ქონდა შემოდგმული. დანარჩენი ნაწილი სუფრისა მოკლებული იყო ყველა ამას.

ცოტა მოშორებით, სადაც შექაჰანდები მზადდებოდა, შეამჩნევდით ათამილი დაკაპიწებულ, სუფრაზე მოსამხურეთ დანიშნულ ახალგაზდას, რომელთაგანაც ზოგი კიქა-საინს რეცხდა, ზოგი ღვინოებს ასხამდა და სხ.

სახლის წინ, ნიგვზის ძირში, დაედგათ რგვალი მაგიდა, რომელზედაც იდგა შეძველებული პატარა ყუთი, საწერ კალამი და ოთხიოდე ფურცელი ქაღალდი.

მოღარეობა ექვთიმესთვის მიენდოთ, როგორც შეძლებული და სანდო კაცისთვის; გადამხურველთა სიის შედგენა ადგილობრივ სკოლის მასწავლებლისთვის.

IV

დილის ათი საათი იქნებოდა და მოსულთაგან არვინ არ ჩანდა ეზოში, გარდა ბავშვებისა.

ეს უკანასკნელნი, რიცხვით თითქმის ორმოცამი, შემოსეოდენ და ისეთი უძღები და ხარბი თვალებით ჩაჩერებოდენ ხულის წინ მდგომ გოდრებში ჩაწყობილ დაქრილ პურს, რო, გვეგონებოდათ ერთი კვირის მშვიერი არიანო.

—აბაა!.. ვაქამოთ ამ ბოგშებს რამე და მევიშოროთ, ბარემც თავიდან! — მიამხხა მოსამსახურეთ ერთმა გძელ წვერა, ხანშესულმა კაცმა, რომელიც ზელში კრილოასანს ათამაშებდა.

მოსამსახურეებმაც ჭაპეთ, ბარემც, თვარა, მერე ვეღარ შეიცილით! — დაუმატა მეორემ.

ხუთი წუთის შემდეგ, ყველა ზემო დასახლებული პირები შემოსხდომოდენ სუფრას და საუზმეს შეექცეოდენ.

თერთმეტი საათიდან დაიწყო მოპატიჯებულითა დენა.

მოდოდენ ფეხით, ცხენებით და ურმი-
თაც. მოსულთ შვა ეზოში ეგებებოდათ თითო
ან ორ-ორი ახალგაზნა და ხელში ხელ გაყ-
რილი შეყავდათ მიცვალებულთან.

ზოგი ეზოში ჩამოსვლამდი იწყებდა ტი-
რილს და მოდიოდა წიწვა-გლეჯით, ზოგი
ქიშკრიდან და ზოგიც—შვა ეზოდან.

რა და რა ნაირი ფორმითა და სიტყვებით
არ ტიროდენ!..

უკვირდებოდით, და სულ სხვა და სხვა
ნაირი სურათი გეშლებოდათ თვალწინ...

აგერ, ერთმა, რომელიც არც-კი იცნობ-
და, თურმე, ვარდაცვლილს მოიგლიჯა თავი-
დან ჩაბალახი, იტკლაცუნებდა ორივე ხელებს
მელოტ თავზე და მოყვიროდა: ვაი, ჩემს მოს-
წრებს, ძმაო მათეე... გამომეგებე შენაბურათ,
გენაცვალეე... შენ ქე გიყვარდა ჩემი მოსვლაა...
და სხ.

აგერ, მეორემ მიადგო ქუდი ხის ძირში
და მორთო ბლავილი: ვაი, შენი ცოდვა, შე
უბედუროო... რავა უღალატე შენ ნაკეტავ
ოჯახს... რავა მიძულე შენი ცოლი და შვი-
ლიი...

მესამეს დაუყრდენია გულზე ხელები,
აქიციებს თავს და მოზუის: ძმაო მათეე... რა
გიქნია ეგი, შე უსინდისოო... ფუი, შენ კა-
ცობაას... მაგას მოველოდი შენგაან... და სხ.

მიცვალებულიდან გაბრუნებულნი ქირი-
სუფალთ გადაეხვეოდენ და მიატირებდენ:

რა იმედი უნდა გითხრათ, გენაცვალეე...
გიღალატათ თქვენმა კარქმა მამაამ და სხ.

იმოდენა ხალხმა მოიყარა თავი, რო სკ-
მათ მოზდილი ეზო ძლივს იტევდა.

ნაირ-ნაირ ტანთსაცმელსა და „შლია-
პებში“ მორთული ქალიშვილები, ფერად-ფე-
რადი ქოლგებით ხელში და უღვამ აწკი-
პინებული ყმაწვილები, ბუზებივით ირეოდენ
ვრთმანეთში.

ერთი შეხედვით გეგონებოდათ — სასიერ-
ნოთ და ღროების გასატარებლათ მოსულანო.
კაკლის ხის ძირში მდგომ მაგიდას, რომელზე-
დაც გადასახურავს ღებულობდენ, ირგვლივ
შემოსეოდა ხალხი და უშვერდენ გროშებს
მოლარე ექვთიმეს.

— ჩაწერეთ ჩემგან, თავადმა პაატა დინ-
ჯაძემ 1 მ.

— მეც დამწერეთ, პეტრე სიმონისძე,
მამლაძემ 50 კაპ.

— ახლა, ჩემი დაწერეთ, სპირდონ ოტი-
ასძე მიფშუკულიძემ 40 კაპ.

„გავიგონიათ, ამისთანა სიძვირეში, ათი
შაურისა და ორი აბაზის გადახურვა?!— ეცი-
ხებოდათ ექვთიმე.“

„გავალეზა ასეა“ და... — აძლევენ პა-
სუსს.

V.

— აბა!.. მობძანდით და დაბძანდით.
ბატონებო! — მოუწოდა მოსულთ სუფ-
რისკენ ერთმა დაბალი ტანის თმათეთრამ,
რომელსაც მინდობილი ქონდა თვალყური
ედევნებია, რომ უსადილოთ არავინ წასუ-
ლიყო.

ამის გაგონება და ხალხის მოწყვეტა ერ-
თი იყო.

გაექანა ყველა ადგილის დასაკავებლათ.

ქალი კაცს უსწრებდა, დიდი-პატარას,
ღველი-დიაკონს, აზნაური-გლეხს და თავადი-
ყველას.

ოც საჯენზე გაშლილი სუფრა თვალის
დახამხამებაში აივსო.

ვინც ვერ მოასწრო, უადგილოთ დარჩა
და უნდა ეცადათ, სანამ არ ისადილებდენ
უკვე დამსხდარნი.

„აბა!.. პურ-ღვინო, აბა!.. მალე“ო და
ორმა კაცმა მიარბენია სუფრის ერთ თავთან
პურით საესე დიდი გოდორი; მეორე-შვა სუფ-

რაზე მიაყენეს; მესამეც-მეორე თავში და, ამ რიგათ, ჩამოურიგეს ყველას ნახევარ ოყიანი ნაქრები.

— ლობიო გამოგვიგზანე, ლობიო! აბა!.. ბიჭებო!.. აბა!.. გენაცვალეთ! — მიადახა სუფრის ზედამხედველმა მოსამსახურეთ;

ორმა კაცმა ძლივს მიათრია სუფრასთან ამოქნილი ლობიო სავეს დიდი ქვაბი, საიდანაც ჩამოურიგეს ყველა სუფრაზე მჯდომთ.

— ამ ოჯახ დასაქცევს, მარილი კი არ უქნია ამიხა, იძახის ერთი.

— მარილი ქე აქ, პიპილე აკლია, თვარა ამბობს მეორე.

შვენიერი ნახელავი გოუკეთებიათ! ამოუწე, აბა! — ელაპარაკება მესამე თავის მეზობლათ მჯდომს.

მიუხედავთ აზრის ასეთი სხვა და სხვაობისა, — ხუთი წუთის განმავლობაში მოწმინდა ყველამ საინები.

ერთმა მოხუცმა ასწია და შეუშვირა სინათლეს ღვინით სავსე ქიქა, გახედა ცალი თვალით, მოსვა, შეანძრია ღვინო ქიქაში, კიდევ გახედა სინათლეზე და შეეკითხა მის გვერდში მჯდომ პაეღს.

— ძან ღვინო არაა, სა იყიდეს აწი?

— არაფელი არ ვიცი, ცოტა შაბის გემოს დეიკრავს, თვარა არა უშავს.

— ოქრუა ტყლიპაძეს გამოართვეს, ბატონო, სემის პირში, ას ას მანათათ სპანე! — გაცა პასუხი მსახურმა, რომელიც, დოქით ხელში, დაკლილ ქიქებს ავსებდა.

— ვაი, ჩვენი ცოდვა! რას მევესწარით ამას!

გახსოვს, პავლია, ექვს აბაზათ, რო იყო საპანე ღვინო?

— აბა! — გადააქნია თავი პაეღმ და იმოღენა ლუკმა ჩაღო პირში, რო გეგონებოდათ ეს არი დაიღობაო.

— აბა!.. ფლავი... აბა!.. ბიჭებო, აბა!.. ჩქარა!.. — გაისმა კიდევ სუფრის ზედამხედველის ხმა.

ვაჭივრებით მოათრეს სუფრასთან ფლავით სავსე დიდი ქვაბი და ჩამოურიგეს ყველას.

— ძან არ გოუკეთებია! ამ დაბოლოს დესტავლა გიგოიამ ფლავის კეთება! — ამბობს ერთი.

— ამას არც ზეთი აქ, არც არაფელი! — ჩიბუტბუტა, აგერ, ვილაც დედაბერმა

— იმ ოჯახქორმა, შაქარი ვერ უქნა პეტერე! — ლაპარაკობს მესამე.

მიუხედავთ ასეთი უკმაყოფილებისა — ყველამ მოწმინდა საინები.

VI.

თითქმის საათნახევარი იხსდენ სუფრაზე და თვრებოდენ, მაშინ, როდესაც მოსულთა ორი წილი, უადგილობისა გამო, უჭმელი დარჩენილიყო და სუფრის გათავისუფლებას უცდიდა.

ვინ იცის, შეიძლება, კიდევ დიდხანს არ გახსენებოდათ ადგომა, რო ყველას ყურათლება ერთ გარემოებას არ მიეპყრო: მოისმა შორიდან გულშემზარავი კივილი... ცოტახნის შებდეგ, ჩამოვიდა ეზოში ათამდი ცხენოსანი, რომელთაც ერთი ქალი მოჰყავდათ.

მს უკანასკნელი ჯერ კიდევ ცხენზე გლეჯდა ყველაფერს, ძლივს ამარგებდენ...

ეზოში ჩამოსვლისთანავე გადმოეშვა უნაგირიდან და მთელი თვისი სიმძიმით დაასკდა მიწას! მიშველეთ!.. დიკველა უცნაურათ. ამართა ორმა კაცმა, შეუდგა შხრებში და გამოაჩოჩა პატარაზე, მარა, ჩაიკეცა და შენცარ მომიკედე! — ადგილიდან ვერ დაძრეს! ორმა ხელებში სტაცა ხელი, მესამე წელში შეუდგა და, როგორც იქნა, წამოაყენა. მარა, გაატარეს პატარაზე, თუ არა-ისევ ჩაიკეცა! „მამა“.. მიშველეთ!... — ყვიროდა შემოლილივით, ხმა

დაკარგული, იგლეჯდა თმებს და იხოკავდა ლოყებს, რომელთაგანაც ღვართა გდმოდიოდა სისხლი.

—ვინაა არ იციო?!-ეკითხებოდენ ერთიმეორეს გაოცებული მაყურებლები.

—მიცვალეხულის გათხოვილი ქალიშვილია,

თქვა ერთმა ყმაწვილმა.

შემოუსხდენ სუფრას დანარჩენები და ისევ ის სურათი განმეორდა, რომელიც პირველათ იყო.

ამ დროს, კიდევ გაღიშალა ერთი ახალი სურათი: ოცამდი ტოპსიკებით დატვირთული ბავში გადიდა ჭიშკარზე!

ერთს, აგერ, მოუღვია ზურგზე რაღაც დიდ ზეწარში გაკრული და ძლივს მიათრევს! მეორეც, აგერ, გადააოხრა ღობეზე ავსებულ ტომარა!...

—ეს რაღაა!-იკითხა ერთმა უცხო წვეულმა.

—პური მიაქვთ თავიანთ სახლში.

—მასპინძელმა დაურიგათ?

—თავათ აბოჭენ სუფრაზე, სანამ ჩვენ ავალაგებდით!-განუმარტა ერთმა მსახურთაგანმა.

VII.

დაღამებამდი ორი საათი თუ იქნეოდა. ზოგი შორიდან მოსული წვეული უკვე წასულიყო.

რამდენიმე პირი ხელმეორეთ დაბრუნებოდა სუფრას და ისეთი მადით შეექცეოდა გეგონებოდათ, არა თუ ღღეს, გუშინაც არაფერი უჭამაო.

ზოგს იმ ზომამდიმორეოდა ღვინო, რო ჩაკეცილიყო ხის ძირში და მიძინებოდა!

ერთი მოხუცი გადაწოლოდა ღობეს და პირიდან ასაქმებდა!...

მეორე ძლივს შემჯდარიყო ცხენზე, რომელსაც, ხან ერთი მხრით გადაეკიდებოდა დაგლეჯილი ხურჯუნით, ხან-მეორე მხრით!...

ავერაც, რამდენიმე კაცი ბანდალ-ბანდალით გადვიდენ ჭიშკრიდან: გზაში ერთმანეთს აყენებდენ!...

ექვთიმე გადასახურავათ შამოსულ ფულს ითვლიდა.

—რავაა საქმე?-შეეკითხა სიკო, რომელიც ამბის გასაგებათ გამოსულიყო.

—თუთხმეტ თუმანს კიდო აკლია!-უპასუხა ექვთიმემ.

—რა მოხელე იყო, რო შეყარა ამდონი ხალხი და ჩეიგდო თავი ვალბეში!

ხარჯი ხუთას მანათს აღემატება და საიდან ასწორებს! კაცისას არ გეიგონებს, მა მამაცხონებული და რავაც ერჩიოს, ისე ქნას!-ნადვლიანათ თქვა სიკომ, დააქნა ხელი და ისევ ჭირისუფლის ადგილის დასაჭერათ წავიდა.

—ხალხი ათასზე მეტი იქნებოდა და გადამხურველთა რიცხვი რომ ორასამდიც ვერ ავიდა, რატო შეიქნა ასეთე?!-ეკითხებოდა მწერალი ექვთიმეს.

—ხუთი და ექვსი რომ იყო ერთი ოჯახიდან მოსული, მიტო! მეიტანა ორი აბაზი ღ გონია, შედიც-კი მევიდა!-უპასუხა ექვთიმემ.

—აბაა!... ახალგაზდებო! ყმაწვილებო! გავასვენოთ მიცვალეხული, თვარა დაგვალამდა!-გადმოიძახა სახლის აივნიდან ერთმა სხვილ-სხვილმა მოხუცმა.

ყველა მიაჩერდა იმ ოთახის კარებს, რომლიდანაც ცხედარი უნდა განოცვენებიათ...

პატარა ხანს იქით, რამდენიმე ოფლგადამსკდარ ახალგაზდას ქშენით აქონდა კუბო ეკლესიისკენ ამაველ შეღმართზე...

მიცვალეხულს მხოლოთ ჭირისუფლები და მეზობელთა ხუთიოდე ქალი მიყვებოდა.

ა.კ. იოს.—წი.

21 ოკტომბერი 1915წ.

ქ. ქუთაისი.

კრიტიკა.

ილია ქავჭავაძე, რედაქტორ ლინკისი—ნოტი.

(27 ლინკი. 1887—30 აგვ. 1907წ.)

„ნეტა, ვინა კარგი საქმით
აღნიშნავს თავის დროსა,
ის აქვე ეწაფება
უკვდავების წყაროსა?..“

ილია ქავჭავაძე.

აგიღოთ ახლა პოემა „ღიმიტრი თავდადებული“ და უფრო დაწვრილებით განვიხილოთ იგი. „ღიმიტრი თავდადებული“, რომელსაც ალტაეცებაში მოყავს ბევრი ჩვენში, მე მიმაჩნია ყველაზე უფრო სუსტ თაზულებათ ილიას თაზულებათა შორის. აქ არ არის არც ერთი ცოცხალი ადგილი. ლექსია მძინარი, ხარმაცი, პროზისებური და შექამანჩისებური. „ღიმიტრი თავდადებულის“ კითხვა კაცს არ ამხნეებს, არ უღებს გულში მამაცურ გძნობას ბძოლისას, არამედ უღონო, პასიურ გძნობას მორჩილებისას. ეს მტირალა მოთხოობა, არამც თუ არ ამალღებს კაცს, არამედ გულს უჩაგრაფს, აგდებს მას სასოწარკვეთილებაში; არამც თუ არ აღძრავს გმირულ გძნობას, არამედ გძნობას სიმბდალისას. სიკვდილი სასახელოა, როცა გმირულათ კვდება კაცი. შოთამ თქვა:

ჯობს სიცოცხლესა ნაძრახსა,
სიკვდილი სახელოვანიო.

სიცოცხლე გვიყვარს... როდესაც ჩვენ ვკითხულობთ ვიზემე, რომელიც გმირულათ მომკვდარა, სასოწარკვეთილება კი არ ისახება ჩვენ გულში, არამედ მხნე, გმირული გძნობა ბძოლისა, მოქმედებისა. მარა, როდესაც კაცი თავისი ხელით აიყრის თავის იარაღს და უწინააღმდეგოთ, უბძოლველათ ჩააგდებს თავის თავს მტრის ხელში, ამგვარ კაცს საცოდაობის მეტი არა შეუძლია რა აღძრას ჩვენ სულში. აი, ამიტომ „ღიმიტრი თავდადებულის“ წაკითხვის შემდეგ, კაცი არ რჩება სულით ამალღებული, გამხნეებული, არამედ დაჩაგრული, გულ-ვატეხილი, სასო-წარკვეთილი. ეს გარემოებაც იმას უნდა მივაწეროთ, რომ ილია ქავჭავაძეს აკლია ქეშმარიტი პოეტური ტალანტი. გმირული მოქმედების აღწერა დიდ ხელოვნებას მოითხოვს, ხოლო უღონო, პასიური მორჩილება, სადაც არ არი არაფერი მოქმედება, უფრო ადგილი ასაწერია და ჩვეულებრივი ნიჭის საქმეა.

აქ მინდა ადგილი დავუთმო ბ-ნ სილოვანის შენიშვნებს *) „ღიმიტრი თავდადებულის“ შესახებ. ეს შენიშვნები მე მიმაჩნია მართალი და მიუდგომელი კაცის კრიტიკულ მსჯელობათ და, ამიტომაც, თლად ამოვწერ აქ „კვალიდან“. „თუ მკითხველი, ამბობს ბ-ნი სილოვანი, ოდნავ მაინც გავეითარებულია და მსჯელობა შეუძლია, ამ პოემის კითხვის დროს მას უნებლიეთ ებადება საკითხი: რისთვის წირავს სულს მეფე? ამ საკითხის პასუხათ ავტორი მეფეს ალაპარაკებს:

„მე მეფე ვარ და მეფობის
რიგი ვიცი, რაში არი...
თუ, იმ მწყემსსა; თავს უშველოს,
მგელს დაუგდოს თავის ცხვარი!..“

ავტორის წინააღმდეგ, ჩვენ ვფიქრობთ, რომ ღიმიტრის, როგორც მეფეს, არ ცოდნია, თუ რაში მდგომარეობს „მეფის რიგი“, თორე ეს რა „რიგია“, რომ მეფე ყენის ეძლევა თავის ნებით და ხალხს უთაოთ ტოვებს? რით იყო მეფე დარწმუნებული, რომ იგივე ყენი, მის თავის მოკვეთას შემდეგ, უმეფოთ დარჩენილ ქვეყანას არ შეეხებოდა და ნაცარ-ტუტას არ ააღენდა?

„ფუ იმ მწყემსსა, თავს უშველოს,
მგელს დაუგდოს თავის ცხვარი?!

ეს სიტყვები კარგია, მარა საქმით-კი გამოდის, რომ მწყემსი ცხვრის ფარას ღვთის ანაბარათ ტოვებს და ხელის გაუნმრველათ მგელს კბილებში უფარდება. ჩვენის აზრით, ამისთანა მწყემსსაც „ფუ“ ეთქმის, რათგან მისი საქციელი, თუ სიმბდალის არა, უგუნურობის ნაყოფია, წინ დაუხედავი და უანგარიშო თავ-გაწირვაა...

მეტათ სიმპატიური პირი იქნებოდა ჩვენთვის ღიმიტრი მეფე, რომ ის სარწმუნოებისთვის სწირავდეს თავის სულს. სარწმუნოებისთვის საწამებლათ გამზადებული პირი საფუძვლიანათ დარწმუნებულია, რომ, როცა გულ-ხელ-დაკრეფილი მტერს ნებდება და თავის ღვთის სახელის მოწოდებით თავსა სწირავს, ამით ხალხში ძლიერათ გააღვიძებს სარწმუნოებისადმი პატივისცემას და სიყვარულს. და, როცა-კი მეფე უხმლოთ და უიარალოთ მტერთან მიდის და „მამკალიო“ ეუბნება, ამ გვარ მავალითს ხალხის ბუნების მხოლოთ გალაჩრება შეუძლია, და არა გაგულადება და გამხნეება.

ჩვენ გვახსოვს სოფლიო ისტორიიდან

*) იხ. „კვალი“ № 18, 1894წ.

მხოლოდ ერთი მაგალითი, როდესაც მეფე მტერს თავისით ნებდება და თავს შეაკლავს. ერთხელ, დორაელთი საბერძნეთის ერთ კუთხეს, სახელდობს ატიკას, შეესიენ და მისი დაპყრობა უნდოდათ; ატიკის მცხოვრებლებმა მარჩიელს მიმართეს; მან თქვა: „ის მხარე გაიმარჯვებს, რომლის წინამძღოლიც მოიკვლინა“. ათინის მეფემ-კოდრმა ჩაიცვა უბრალო კაცის ტანისამოსი, წავიდა მტრის ბანაკში, ასტება იქ ჩხუბი და მტერს განგებ თავი შეაკლა. როცა ღორიელებმა შეიტყვეს, რომ მათ მიერ მოკლული ათინის მეფე იყო, მარჩიელის წინასწარმეტყველობის შეშინდათ და გაიქცნენ.

მე მესმის ამგვარი თავის შეწირვა. აქ ხალხისადმი სიყვარულიც იხატება, სიმხნეც და მასთან ქკუა და მოსაზრება, უტყუარი ანგარიშიც. კოდრი დარწმუნებული იყო, რომ მისი სიკვდილი ნაყოფს მოიტანდა. მარჩიელების (ორაკულების) წინასწარმეტყველობას საბერძნეთში ძველათ, ისე უყურებდნენ, როგორც ქრისტეს ჭოსელის პირველ საუკუნეში ქრისტეს სიტყვებს უყუნებდნენ ხოლმე მისი მორწმუნენი. ვგ სულ სარწმუნოების საქმეა. და, აბა, რა კოდრის საქციელის შესადარებელია ჩვენი მეფის დიმიტრის საქციელი! ერთი სწირავს თავის თავს, სრულიათ დაჯერებულია, რომ თავის სიკვდილით მტერს დაამარცხებს და თავის სამეფოს უბედურებას ააშორებს, მეორე-კი მიდის წინდაუხედავათ, სამეფოს შესახებ არაფერ განკარგულებას შერება (უნდა ვიფიქროთ, რომ მეფეს იმედი ქონდა, კვლავ ჯკან დავბრუნდები უვნებლათ) და კვდება ჯალათის ხელით.

ამ გვართ, დიმიტრი თავდადებული არ წარმოადგენს ჩვენთვის მეფეთა შორის სანატრელ იდეალს. მარა დიმიტრი ისტორიულა პირია და, მამასადამე, ატიკის ნაკლულგანებათ მხოლოდ ის უნდა ჩავთვალოთ, რომ დიმიტრის ამგვარი უაზრო თავდადებით ერთობ აღტაცებულია, ეს მეფე თავის პოემის გმირათ აღუყვანია და იდეალათ თვალწინ გვიყენებს.

როცა „ქართლის ცხოვრებაში“ ვკითხულობთ დიმიტრი თავდადებულის ცხოვრებას და ჩვენ მიერ აღებულ პოემის შინაარსს ვადარებთ, თითქმის ვერაფერ ვასხვავებას ვპოულობთ, მეფე დიმიტრის გულშემატკივრობა თავის ქვეშევრდომთადმი. დამარცხებულის ყინის წინადადება: ან თვით გამოცხადდი ჩემთან, ან შენს ქვეყანას ავაოხრებო; მეფის მიერ დიდ-

ბულოთა მოწვევა და მათი თათბირი; მეფის ამოჯინება კრების წინააღმდეგ, რომ უთუოდ უნდა წავიდე ურდოსო; ღვდღმთავრის აზრი, რომ წასვლათრჩია; მეფის მისვლა ურდოს და მისი თავის მოკვეთა,—ყველა ეს ძლიერ ვრცლათ არის აწერილი „ქართლის ცხოვრებაში“. ჩვენი პოეტის საკუთრება პოემაში მხოლოდ ის არი, რომ 1) დიმიტრის თავდადასავალს მოგვითხრობს ვილაც მეფანდურე (ეს წესი მოთხრობებში ხშირათ უხმარიათ სხვა და სხვა მწერლებსაც ჩვენს პოეტამდის), 2) მოხუცისა და მისი ორი შვილის გამოსვლა. ამგვართ, პოეტის ფანტაზიასა და აღმაფრენას აქ ბევრი არაფერი უმუშავნია.

ჩვენის ნზრით, საუკეთესო ადგილი პოემაში არი მეფისადმი მიმართული მოხუცის სიტყვები, უკეთა ვთქვათ—აზრი, რასაც მოხუცი ეუბნება მეფეს და გძნობა, რომელიც იხატება მოხუცის სიტყვებში:

...„გულს რათ გვიკლავ? რათ მიდიხარათ?

ნუ თუ, მეფე, ხსნა ზრ არი?
ქულზე კაცი დაუძახე,
მოაგროვე სპა და ჯარი.
ცოტა ვართ, მარა კარგნი ვართ,
ვინც-კია, ყველა მღვთია...
ბევრჯელ უნახავს ქართველის მტერს,
რო ცოტაც ბევრის მძღვთია.

აჰა, მეფე, ორი ბიჭი,
მხრებში რომ ამომჯდომია,
ორივე ჩემი შვილი არი
ერთი მეორის მჯობია,

მიირთვი და ინაცვალე,
ჩემ ქვეყანას მტლათ დაუდე!
ომში, მეფე, ვაჩვენებენ,
რა ლომებს ზდის ქართველის ბუდე,

შეკრიბე დიდი, პატარა,
გაუძღე წინამძღოლოდა,
მტერს წინ დახვდი... ვინც უკუდგეს,
დედა შეერთოს ცოლოდა.

ჩვენს საქართველოს, ჰე, მეფე,
ბევრი რამ გადახვდია.
მარა უომრათ მტრისა წინ
არ წაუხრია ქედია.

ნურც დღეს ვიხამთ ამ საქმესა
უომრათ ნუ დავმარცდებით,
თუ ვერა ვძლევთ, დავიხცნეთ
სახელითა და დიდებით!!!

ასე ათავებს მოხუცი თავის სიტყვას და

ამ სიტყვას მე ყოველთვის აღტაცებაში მოეყვარა და ვამბობ: „აი, კაცი, რომელსაც არ შეგებია ლაჩრობა და რომელსაც ესმის სამეფოს წარმომადგენლის დანიშნულება! ის მხოლოდ ის არის ჩვენი თანაგმნობისა და თვით სამეფო ტახტის ღირსი, და არა მეფე დიმიტრი, როგორც პოეტი ფიქრობს“ — მეთქი.

„ქართლის ცხოვრების“ თქმულებიდან პოეტს დაუმაღლავს ერთი გარემოება, ურომლისოდაც დიმიტრის პიროვნება ნამდვილად არ დაეხატება მკითხველს თვალწინ. ეს ის გარემოებაა, რომ მეფე დიმიტრი თავდაპირველად თავის ხალხის შემბრალებელი, მაწყალე და ღვთის მოყვარე იყო, ხოლო რამდენსამე წელს შემდეგ, ხალხის სამსახურად დაივიწყა და თვით ღმერთიც: სამი ცოლი შეიერთა, უსჯულოებასა და უწყსოებას ხელი მიყო და მისი მაგალითით მთელი სამეფო გაირყვნა. ჩვენი აზრით, დიმიტრის საქციელი (მტრის შემბოლების შიში და მტრის წინ ლაჩრულად ქედის წახრა) მეფის გარყვნილ ცხოვრების შედეგი უნდა ყოფილიყო, თორე „პატარა კახს“ განა ერთხელ და ორჯელ დამუქრებია ასჯერ უფრო ძლიერი მტერი? — მარა, მოხუცის არ იყოს, „მტრისა წინ არ წაუხრია ქედია“. —

ხომლელი.

ჰოლა ლომთათიძის დახასიათება.

გაზ. „თანამ. აზრის (№ 211) თანამშრომელი ბატ. ანი კობტათ ახასიათებს თავის ამხანაგ მეგობარს, მეორე სახ. დუმის დეპუტატს და მწერალს, ჰოლა ლომთათიძის. ესტამბავით ამ წერილს აქ სიტყვის შეუმოკლებლად.

ბასრმა სიკვდილმა კიდევ გამოგვტაცა ერთი თავდადებული ნიჭიერი ამხანაგი; წამებულთა მრავალ რიცხოვან გუნდს კიდევ მიემატა წმიდა საფლავი.

ცივ ქვეყანაში, უპატრონოთა და ღარიბთა თავშესაფარში ჰოლამ დალია ტანჯული სული; და მხოლოდ შემდეგ აუსრულდა სამშობლოში დაბრუნების სურვილი — დაბრუნდა, მხოლოდ მისი ცხედარი. და, აი, დღეს ვაბარებთ მას მიწას მისებ დევნილთა ტანჯულთა გვარდზე.

ჰოლას არ იცნობს ფართე საზოგადოება; მას არ უყვარდა მაღალ კათედრაზე შედგომა და ყველასთვის დასანახავად გააქცევა. მართალია ის ბოლო ხანებში კათედრაზე შედგა, ბელეტრისტად მოგვევლი-

ნა, მარა აქაც ის დარჩა ჰოლათ: მორცხვად და შეუმჩნეველად.

ჰოლა გარეგნობით „ჩია“ კაცი იყო, ახირებული ჩაცმულობით და გამოურკვეველი გამომეტყველებით. თქვენ ყურათღებას სრულიად არ მიიპყრობდა. მარა, როგორც-კი ლაპარაკს დაიწყოებდა, ან კალოამს ხელში აიღებდა — თქვენ მოულოდნელად მისკენ მიიხედავდით და გაშტერებული შეყურებდით: ნუ თუ ეს კაცია ის, რომელიც ასე შეტყვევობს; და უსმენდით სულ განაზბული, გაოცებული. ის არ ამბობდა ახალ აზრებს, გაუგონარ იდეებს, ამბობდა იმას, რაც ყველამ ვიცოდით, რაც მრავალჯერ თქმულა და დაწერილა, სამაგიეროდ, ამბობდა ისე, რომ სხვა ვერავინ ვერ იტყოდა, ჩასვამდა ისეთ ფორმაში, რომ თვით შინა არსიც ახალი გეგონებოდათ. თქვენ ვხიბლავდით ის თფილი გული და ნაზა გძნობა, რომელიც მას შექონდა პოლიტიკაში დახატავდა მოულოდნელი შედარებებით და იშვიათი სარკაზმით.

ჰოლასთვის პარტია, მიმართულება არ იყო მარტო რწმენა, გონებრივი ავლადიდება; არა, ეს იყო ამევე დროს და, უმთავრესად, მისი საყვარელი არსება, მისი სათუთი და გძნობიარე სამკაული, რომლის შეხებას და ვაგლახათ ხსენებას ის აფთარებით ეკვეთებოდა. ამ დროს აშკარად ჩანდა, რომ ის იბძვის არა პოლიტიკისთვის, არამედ შეურაცხოფილი საყვარლისთვის, ძვირფასი მიჯნურისთვის.

ჰოლა თავის პოლიტიკურ რწმენას ეალერსებოდა, ესიყვარულებოდა, როგორც ტარიელი ნესტან დარეჯანს. ის აქ პოვებდა ესთეტიურ კმაყოფილებას, გასახიერებულ შეწიერებას, რა გზასაც დაადგებოდა — დაადგებოდა სულით და გულით. მუდამ აღტაცებული და გატაცებული. ის, უმთავრესად, იყო პრაქტიკი. მარა პრაქტიკი რომანტული სარჩულით, მას უყვარდა საქმე არა ისე, როგორც თითოფულ ჩვენგანს, არამედ სულ სხვანაირად, საქმე მისთვის იყო არა მარტო საყვარელი, არამედ სიყვარულიც. აქ ის ეძებდა და პოვებდა სიყვარულის საგანს. მუშაობდა თითქოს არა საქმისთვის, არამედ ამ თვისი სიყვარულის, თვისი ესთეტიური მოთხოვნილებებისთვის. გულწრფელი და თფილი, გძნობა სათუთი და ღმობიერი, სიტყვა მოკლე და მჭრელი — აი, რა შექონდა

ქოლას ყველაფერში, რასაც-კი ხელს მოკიდებდა.

ქოლა იყო პარტიაში დიდი ორიგინალი, ბუნებისგან გამოქცედილი, მთლიანი სანახაობა; ის ძლიერ გავდა „ოთხი ძმის“ გმირთ, რომელნიც პირველათ გამოვიდნენ ტყიდან საზოგადოებაში და ყოველივე უკუღმართ საძირკველზე აგებულათ ეჩვენებოდათ. ქოლა წათსავით ყოველივე მოვლინებას ძირში უყურებდა და ორიოდვე მოხდენილი სიტყვით მის უაზრობას ხელის გულზე გაგიგორებდა. მისი კრიტიკა შეეხებოდა რაღაც ისეთ მხარეს, რასაც არავინ ყურათღებას არ აქცევდა, რაღაც წვრიშალს, მარა მის სიტყვაში ის თანდათან იზღებოდა და სხვილ თვისებათ იქცეოდა. მას აინტერესებდა პოლიტიკაში პსიქოლოგია, საზოგადოებაში აღმზიანის ბუნება, ურთიერთობაში ჩაბეჭდილება.

ქოლა იყო პოლიტიკაში პოეტი, პრაქტიკომგოსანი, ამ სიტყვის ფართე მნიშვნელობით. მისთვის პოლიტიკა ხელოვნებაა, ესთეტიკის ერთი დარგია; პარტია მისთვის რელიგიაა, სარწმუნოება, რომელიც მიგვიითიფებს ზეციურ სამართლიანობისკენ, ის მოწიწებით ეპყრობოდა მოძრაობას, მეტანიას აკეთებდა მის წინაშე. მარა ამავე დროს ის მას კრიტიკულათ უქცებოდა. საკვირველია ის, რომ მისი კრიტიკა სავსებით იუმორით გაჟღენთილი, თვით უდიდეს ტრადიკულ მდგომარეობაში უდიდეს კომიკურ მდგომარეობას აღმოაჩენდა. ის თავის საკანშიაც სიცილის გუნებაზე რჩება და ეკლიან გზას ყვავილებით ამკობს. მიკითხავს მისი „პრიდვარილიდან“ მოაწერილი ბარათები, რომელთა თითოეული სტრიქონები დაუტბრომელ ხარხარს იწვევდა და ვეუბნებოდა ჩემ თავს: არა, ეს კაცი არ მოკვდება...

ქოლას სულიერი ვინაობა საკმაოთ გამოისახა მის ბელეტრისტულ ნაწერებში. შეიძლება ითქვას, რომ ახალ მწერალთა შორის პირველი აღვგი ქოლას ეკუთვნის და ამავე დროს ის თითქმის შეუძწიველათ

ჩატარდა. ჩვენში ერთათ ერთი ქოლა შეიქნა ნორვეგიელი მწერალის, კნუტ გამსუენის შკოლისა და ეს არა მიმართულებით, არა ნორვეგიელის განმეორებით. არამედ სრულიათ ბუნებრივათ, თავისთავათ, დამოუკიდებლათ. ის, ასე ვთქვათ, ბუნების კაცია, „გაუთლელი გლენხია“, როგორც ხუმრობით ვეტყოდით ზოლმე, უცივილიზაციოთ და უწიგნოთ შექნილი ინტელიგენტია. და, აი, ეს თვისება შეიტანა ნაწერებშიაც, სიყვარული გადაქსოვა ბუნებას და ბუნებრივობასთან, პოლიტიკური თავისუფლება გძნობის თავისუფლებასთან, გულწრფელობა მხატვრულ ენასთან, ტიპების გასახიერება ზომიერებასთან. ის ჩვენი გამსუნია და დიდათ სამწუხაროა, რომ მისი ნაწერები ასე ნაქრებათ იბეჭდებოდა, ბევრი დაიკარგა და ზოგი დაუბეჭდავიც დარჩა.

ქოლა — ბელეტრისტი არ არი შენიშნული და დღესაგებული; ამ საერთო წესიდან ერთათერთ გამონაკლისს შეიცავს გრიშაშვილის წერილი, რაც სიამოვნებით გადავიკითხე. პოეტმა იცნო პოეტი, მათ შორის, უეჭველია, რაღაც საერთოა, რაღაც ძაუვებია გაბმული. წაიკითხეთ ქოლას „თეთრი ღამე“ და სხვა მოთხრობები და დაინახავთ გრიშაშვილთან ნათესაობას, ნათესაობას შინაგანს, გძნობათა მორევში. თანამედროვე ბელეტრისტთა შორის, ერთათერთ ქოლას ნაწერს წაიკითხავ და წაკითხვა კიდევ მოგინდება. სათუთი გძნობა, გულწრფელობა და მხატვრული ნიჭი მასში მწყობრათ არი შეზავებული.

ქოლა პოლიტიკური მოღვაწე, ქოლა მხატვარი — ეს ერთი ქოლაა, ერთი ჩამოყალიბებული პიროვნებაა, ორივე დარგში ერთნაირათ მომღერალი. მისთვის ეს ორივე ერთი და იგივე დარგია, შეკავშირებული და ერთ სათავეთ ქცეული მისი უწმიდესი გძნობით — სიყვარულით. აი, ამ ემბაზში აერთებს ის ბუნებრივობას, გულწრფელობას და სამართლიანობას. ჩვენ ვხედავთ მასში ბუნების კაცს ყოველიგან, დიდ და

პატარა კრებაზე, კაბინეტში, თუ ხალხში, პარტიაში, თუ ბელეტრისტიკაში. ქოლა ყველგან და ყოველთვის ქოლათ რჩება, პირდაპირი, ვით შურდული და მორცხვი, როგორც ტრედი.

ღიას, დავკარგეთ მეტათ ორიგინალური ამხანაგი, მას შემკვიდრე არ რჩება; ის იყო ერთი, ცალკე ეული, უთვისტომოთ გამოკვეთილი, გურიის გლენობის ნამდვილი შვილი. ბუნებას თვისი ცული მოუქნევია და ერთი დაკვრით ქოლა გამოუთლია. ვინ იცის, კიდევ როდის მოიქნევს თავის მადლიან მახვილს და ქოლას შემკვიდრეს გამოკვეთს.

მე მიყვარდა ქოლა იმისთვის, რომ მას სიყვარული ამოქმედებდა. მისი სახე რაღაც მოსვენებას მგვირდა, მასში ვხედავდი პატრიის პოეზიას, გურიის მთიდან ნაჩქეფს, ჟამთა ვითარებით შეურყენელს. ფიცხი და მოსიყვარულე, ნაზი და მოუხეშავი, ღინჯი და მოუსვენარი ქოლა აღარ გვყავს. დღეს ის ეშვება ცივ სავანეში და არჩილ ჯაფარიძის გვერდით პოეებს საუკუნო მოსვენებას.

მშვილობით, ძვირფასო ამხანაგო, გადაეცი შენს წინ იქ მისულთ, რომ ლამპარი თქვენ ღროს ნთებული, ისევე ანათებს

„კავკაზი“ და აჭარელები.

გაზ. „კავკაზ“-ში ნ. ლებედვის წერილი დაიბეჭდა აჭარელების თაობაზე. ავტორი სწერს:

„აჭარელების პროცესმა დიდი კამათი გამოიწვია, კამათი ჩვეულებრივზე უფრო ცხარე და გამწვავებული. ამ ჟამათ ეს კამათი დასრულდა, და უნდა ვიმედოვნოთ, რომ აზრი ყურათლებით იქნება მოსმენილი.

ყველას კარგათ ახსოვს, პროცესის დაწყებამდე და პროცესის ღროს ქართული გაზეთები, სიმართლეში დარწმუნებულნი, ამტკიცებდნენ, რაც გასულ შვიდდღამაზე მოხდა აჭა

რაში, ხალხის ღალატი არ ყოფილა, არამედ თითო ოროლა პირის დანაშაულიო...

ქართულ გაზეთების ოპონენტების აზრი, სამწუხაროთ, საკმაოთ გასაგები არ იყო, ხოლო ის, რაც მათ სურდათ ეთქვათ, სრულათ გაუგებარიც“:

შემდეგ, ავტორი ისტორიულ ფაქტებს მიმართავს, მოიგონებს 1877—8 წლის რუსეთ-ოსმალეთის ომს, როდესაც აჭარელები, როგორც ოსმალეთის ქვეშევრდომნი, რუსებს ებრძოდნენ და აჭარელთა მაშინდელ სულისკვეთების დასახასიათებლათ „კავკაზის“ იმ დროინდელ რუს-კორესპონდენტის სიტყვები მოყავს:

„დაამარცხებენ რუსები ოსმალთ, ეუბნება აჭარელი კორესპონდენტს, ჩვენც ეს გინდა. თუ ვერ დაამარცხებენ, ჩვენ კვლავინდებურათ ძმურათ ვიცხოვრებთ. ჩვენმა მთავრობამ ჯარი მოგვთხოვა და ჩვენც მივეცით და სხვა არაფერი“.

თავის მხრივ კორესპონდენტი წერდა მაშინ: ოსმალეთის ქართველები, განსაკუთრებით-კი ოსმალეთის გურულები ყოველთვის და ყოველ გარემოებაში თავის მამულის და სამშობლოს ერთგულნი იყვნენ. ყოველთვის ენერგიულათ ემბოდნენ მტერს, რომელიც, მათის აზრით, სამშობლოდან მათ გაძევებას ლამობდა, ან და ავიწროვებდა რითიმე, გადასახადებით და სხვა“.

ამ ისტორიულ ამონაწერების შემდეგ, ლებედვი განაცხობს:

„ასე იყო 1877 წელს. მეტათ ძნელია გაგება იმისი, თუ როგორ მოხდა, რომ ჯერ კიდევ ოსმალეთის ქვეშევრდომი აჭარელები რუსეთის მეგობრები იყვნენ და მას შემდეგ, რაც ჩვენს ქვეშევრდომნი გახდნენ, მტრებათ გადაიქცნენ, მარა, შეიძლება, ამის განმარტება ზედმეტიც იყავს...“

დასასრულ, ლებედვეს აჭარელების საქმის ასახსენლათ უკვე გარდაცვლილი პროფესორის, ა. კრასნოვის წერილი მოყავს, განსვენებულს გასულ წლის დეკემბერში ლებედვისთვის რომ მიუწერია: აჭარელს რომ კითხო, წერს კრასნოვი, თუ ვინ არის ის—მაშინვე გიპასუხებს: მი ოსმალის ვარო. მარა ამ „ოსმალეებს“, ყვე

ლას, გამოუკლებლივ, მთელ მხარეში, თქვენ შეგიძლიათ ქართულათ ესაუბროთ და ერთი სიტყვა ოსმალური არ დახარჯოთ. მეტიც მგონია. მე ეჭვი მაქვს, რომ თქვენმა ოსმალებმა შესძლეს თქვენთან ოსმალურათ ბაასი.

რა მწარე დაცინვაა ბედისა... ნამდვილი ქართველები, ძველათ ქრისტიანობის აღმსარებელნი და საქრისტიანო კულტის დამცველნი, დღეს ისლამის თაყვანისმცემელნი, თავიანთ თავს ოსმალებათ აღიარებენ... ოსმალეთში ოსმალი ამავე დროს მამადიანიც უნდა იყოს და, როგორც ჩანს, ხალხის თვითნობიერება იქამდის ვერ მისულა ჯერ-ჯერობით, რომ მამადიანი შეიძლება არა ოსმალიც იყოს. ამ შეგნების მოტანა სკოლას შეუძლია, მარა ოსმალებს არ უნდათ ხალხს თვალი აუხილონ. ამიტომაც ოსმალები მცხოვრებთ სკოლისადმი სიძულვილს უნერგავენ. ენახე სკოლის შეწინააღმდეგებელი შენობა სოფ. ქედში, სადაც მხოლოდ ორი რუსი ბავშვი იყო და არც ერთი აპარელი. მამადიანები სკოლაში ბავშვებს არ აპარებენ. წერა-კითხვას მხოლოდ ოსმალურათ ასწავლიან, რათგან ეშინიათ სხვა ენაზე, არა ოსმალურზე სწავლამ ისლამს არ მოწყვიტოს*

იქნებ, ისინი მართლნიც იყვენ. საჭიროა ცოტათი თვალის ახილვა, რომ გაიგონ თავიანთი ქართველობა და სხვა თვალთაც შეხედონ თავიანთ წარსულს. ახლაც-კი, უბრალო საუბრის დროს, არა ერთხელ გაგიტყდებიან, და გეტყვიან, ჩვენ იგივე ქართველები ვართო.*

აპარლებს ეხლა მძიმე ბრალდებას უყენებენ—სახელმწიფოს ღალატს. შეიძლება, მე ვცდებოდე, მარა, რამდენათაც მე აპარლებს ვიწინააღმდეგებ, აქ დიდი სიფრთხილეა საჭირო. იქნება აქ გაუგებრობა იყოს? ყველა დიდი ომი დიდ გამირებთან ერთად დიდ შეცთომებს ბადებს. ღმერთმა ნუ ქნას, ეს შეცთომა ჩვენ რომ ჩაგვედინოს*.

ასე ფიქრობდა და სწერდა პროფესორი კრასნოვი, რომლის აზრს ბ. ლებედევი სრულიათ იზიარებს. მხოლოდ ასე არ ფიქრობენ

ისინი, ვინც ართვინელი მასწავლებელი ტერმანველიანის კენის ცოდვას განაგრძობენ, როდესაც ერის ერთს ნაწილს ღალატს ახვევენ თავს.

აზრის მგოსანი ბალმონტი ჟუთაისში.

ერთ წელზე მეტია, რაც დასავლეთი საქართველო, იმერეთი მოელოდა რუსეთის გამოჩენილ მგოსან ბალმონტს, მიზეზი ამ ღონისისა იყო მისივე ნათარგმნი „ვეფხისტყაოსნი“-ს რუსულ ენაზე მოსმენის უზომო სურვილი. ასეთი სურვილი სრულიათ ბუნებრივია არა თუ ყოველი ქართველისთვის, არამედ უცხოელთა შეგნებულ, ინტელიგენტურ ნაწილისთვისაც, რომელსაც ყოველი ერის კულტურული ნაწარმოები იმდენათ აინტერესებს, რამდენათ ასეთ ნაწარმოებს თავისებური განძი, ელფერი შეაქვს საკაცობრიო კულტურის საღაროში.

დღეს შოთა რუსთაველის პომეც ასეთ ნაწარმოებათ არის აღსარებული თვით უცხოთაგან, რომელნიც მის შინაარსს და ამ შინაარსის მეტათ ხელოვნურათ გამოხატულობას გაეცნენ.

მართალია, ასეთ გამცნობათა რიცხვი ჯერ კიდევ თითებზე ჩამოსათვლელია, მარა მათ რომ ჩვენთვის უფრო მონათესავე, მახლოვნილი მგოსანი ბალმონტი შეემატა, ახლა ჩვენთვის, უფრო საგულისხმო, ეს მოვლენაა. რუსულ ენაზე „ვეფხისტყაოსნის“ რივიანი, შესაფერისი თარგმანი, ეს დიდი განძი იქნება საერთაშორისო სალიტერატურო საღაროსთვისაც.

აი, ამიტომაც ასე უზომო მხიარულებაში ჩაეარდნილი ქართველობა რუსის მგოსან ბალმონტის ჩვენთან დაახლოვებით. და, აი, ეს მხიარულება მან ნამდვილ ქართველურ შეხვედრა-გაცოდებაში გამოხატა ამერ-იმერეთის დედა ქალაქებში, შარშან და წელს. იქაც და აქაც, წელს იმ გამოხატულებამ უფრო ფართო ხასიათი მიიღო და გარდა ლექციებზე დიდძალი

საზოგადოების დასწრების და აღტაცებული შეხვედრისა, თფილისსა და ქუთაისშიაც დიდი ნადიმობა გაუმართეს ჩვენ სტუმარ-მგოსანს.

შარშანდელი თფილისში შეპირება „ვეფხის ტყაოსნის“ თარგმნისა, წელს პოეტმა უკვე შეგვისრულა და ნაწილი თვისი თარგმანისა ახლახან გააცნო თფილისის საზოგადოებას. ჯერი მიდგა დასავლეთ საქართველოს მკვიდრზე, რომელიც აგრეთვე მოუთმენლათ ელოდა ახალი რუსული თარგმანის მოსმენას.

ქუთაისის მკვიდრს ეს დღე 6 ოქტომბერს გაუთენდა, როცა ბალმონტი თფილისელ ნაცნობ მასპინძლების გრ. დიასამიძის და ალ. ყანჩელის თანხლებით ქუთაისს ეწვია და თეატრში აჟარებელ საზოგადოების ყოველი წრის თანდასწრებით წიკითხა ლექცია „ვეფხის ტყაოსანზე“ და შეაზავა იგი საუკეთესო ადგილების თარგმანით ამ მისთვისაც სათაყვანებლათ გამხდარ პოემისა.

დამსწრე საზოგადოება აქაც, რა თქმა უნდა, აღტაცებული შეხვდა მგოსანს, ყვაფილებით შეუმკეს სცენა. აღტაცებული იყო საზოგადოება მგოსნის ლექციით და ნამეტურ მისი თარგმანის მუსიკალურის კითხვით. მან ხანგძლივი ვაშა-ტაშის ცემით მრავალჯერ გამოიწვია იგი სცენაზე და, ვარდა თარგმანისა, წააკითხა საკუთარი ლექსები ეკსპრომტათ დაწერილი და ადრინდელიც.

რუსეთის მგოსნის თარგმანის შესახებ, ვარდა პრესაში დღემდე თქმულისა, აღარას ვიტყვით, რათგან ერთი მოსმენით მეტის თქმას ვერიდებით, მის საფუძვლიან დაფასებას ჩვენ შემდეგში ველით, როცა პოეტი, შეპირებისაგებ, ქართულს შეისწავლის, თავის თარგმანს დედანს შეადარებს და უცხო ენებიდან ნათარგმნით არ დაკმაყოფილდება. ეს კი მომავლის საქმეა...

ქუთაისის ინტელიგენციამ საქართველოს დღევანდელ სტუმარს კიდე უფრო გულითადათ სცა დიდი პატივი მეორე დღეს ქართული ნადიმის გაჭართვით, სადაც ერთი მეორეს გულახდილათ გააცნეს თავიანთი გულის ნადები და მისწრაფებანი.

მართლაც, 7 ოკტ. გამართული ნადიმი ნამდვილი გამოხატულობა იყო ქართული გულუხვობისა უცხო სტუმრისადმი. ქართული სასმელ-საქმელი უხვათ დამზადებული, ქართული თარ-ქიანური, ზედ ტკბილის ხმით დანამღერები შაირებით, ცეკვა-ქეიფის აღმძვრელი მჭექარე ზურნის ხმა, ქალ-ვაჟთა შენეიერათ დაფლურ-ლეკურის თამაში, ყანწი-ახარფეშებით სადღეგძელოების სმა 150-დი თავმოყრილ პატივისმცემელთა, იმერული წკრიალა ხმისიმღერები, შიგა და შიგ ლამაზი სიტყვები და ლექსები პოეტისადმი ახალგაზდა მგოსნებისგან მიძღვნილი; ყოველივე ამ მოსმენა-სანახაობით დიდათ ნასიამოვნები დარჩა საქართველოს სტუმარი ქუთაისში...

მრავალ სიტყვებსა და ლექსებში ორმა მიიპყრო სტუმარი მგოსნის და მისი პატივისცემლების ყურათღება. ეს იყო კიტა აბაშიძის რუსული მხატვრულათ წარმოთქმული, სტუმრის დამახასიათებელი სიტყვა და ვარ. რუხაძის ლექსი მგოსნისთვის მიძღვნილი ქართულათ, რომლის საამდროო შინაარსს თვით ნადიმის ხელმძღვანელმა ხაზი გაუსვა, იქვე გადაუთარგმნა მგოსან სტუმარს და უთხრა, რომ ასე მოხდენილი ლექსი შენთვის არც ერთს არ მოუძღვნიანო. და მან დანარჩენ ქართველ პოეტებს უსურვა, რომ ისინი ბალმონტს არ ბაძავდენ, მისი ენით არ ლაპარაკობდენ თავიანთ ლექსთა თხზვაში...

რუსეთის გამოჩენილ პოეტის ქუთაისში სტუმრობის და პატივისცემისას თეატრში და ნადიმობის დროსაც კლუბში ერთმა არა სასიამოვნო მოვლინებამ იჩინა თავი. ეს იყო რუსების დაუსწრებლობა, მონაწილეობის მიუღებლობა ამ პატივისცემაში. არც თეატრსა და არც კლუბში მათი თვალსაჩინო პირები არ ჩანდენ და რისთვის, — ეს ერთგვარათ კლუბში ნადიმობის დროს, ბოლოს, გამოირკვა: ბალმონტის პატივისცემელთან მომხდარ ინციდენტში. აქ ერთმა იქვე შეზარხოშებულმა მხსვილმა მოხელემ ქართველების სტუმარს „პროვოკატორი“, თურმე უწოდა და ზიზღით მოიხსენია ქართველების გადაქარაბებული მიანი

პატივისცემა, რაზედაც მან შესაფერისი პასუხი მიიღო სიტყვითაც და ერთგვარათ საქმიანობაც...

ეტყობათ, კ. ბალმონტის ქუთათურ თანამემამულეებს შეშურებია ჩვენთვის მისი ასეთი ყურათღება, ჩვენი კულტურული სიამაყისადმი და ეს გარემოება არც მაგრე გასაკვირალია ჩვენ კურთხეულ, სპეციფიკურ ხასიათის ქალაქში...

და, ბოლოს, საჭიროთ მიგვაჩინა ბალმონტის ქუთათურ პატივისცემის აღსანიშნავათ მოვიხსენოთ მისგან ბაგრატის ტაძრის დათვალიერება და ნახატების გადაღებაზეც.

როგორც ყოველ მოსულ საპატიო უცხო სტუმარს, ისე ბალმონტსაც მისი პატივისმცემლები წარუძღვენ ქუთაისის მიდამოების და მათში ბაგრატის ტაძრის დასათვალიერებლათ. საქართველოს ძველი კულტურის ცხადი ნაშთები ბაგრატის ტაძრისა ძლიერ მოეწონა მგოსანს. აქ ამ დროისთვის ჟურნალ-გაზეთების კანტორა „იმერეთი“-ს გამვე ის. კვიცარიძეს საგანგებოთ მოეყვანა ფოტოგრაფი ნიკ. საღარაძე (ამისთანაობის შეგნებული მოტრფიალე), რომელმაც გადილო ცალკე პორტრეტი პოეტებისა, ორნაირ პოზაში: ნანგრევების ჩუქურთმებიან წინ მდგომი და ნანგრევებზე ჩამოშლილი, რიონისთვის ლექსს რო წერდა. იქვე გადილო პორტრეტი პოეტების ქუთათურ და თფილისელ მწერლების და ადგილობრივ დამხდურ საზოგადოების ჯგუფში სამნაირ სხვადასხვა პოზაში. ეს პორტრეტები ფოტოგრაფმა იმავე დღეს დაამზადა და სტუმარ ბალმონტს მიუძღვნა სახსოვრათ ქუთაისში, რო ბძანდებოდა.

შემდეგ, ის. კვიცარიძემ იმავე ფოტოგრაფს გადააღებინა ბალმონტის პორტრეტი თავის კანტორა „იმერეთ“-ში ვარლამ რუხაძესა და გალაკტიონ ტაბიძესთან ერთად. თითოული ამ პორტრეტებისა სატანტო ჟურნალ-გაზეთებში გაიგზავნება დასასტამბავათ.

ნებადართულია სამხედრო ცენზ.

სტამბა „ძმობა“ ქარვასლის ქ., სახლი ჩარეკოვისა.

„იმერეთი“-ს კანტორის გამვემ მიუძღვნა სტუმარ მგოსანს: ორნაირ გამოცემა ყლით „ვეფხის-ტყაოსნისა“: იუსტინე აბულაძის და სერგო კაკაბაძის; 2. აკაკის გარდაცვალების გამო გამოცემული ორნაირი რუსული კრებული მისი ლექსებისა და სიტყვების თფილისელი—ალდონის და პეტროგრადელი—ჭიბროვის, ზედწარწერით: „საქართველოს ძვირფას სტუმარს კონ. ბალმონტს.“ მანვე გაატანა პოეტს ბალმონტის საქართველოში ჩამოსვლის დღიდან მახე და მის ლექციაზე დაწერილი რუსულ-ქართული ჟურნალ-გაზეთების ნუმრები.

მგოსანმა მიმძღვენელს გულითადი ნაღობა გადაუხადა და გაუცხადა, რო დღეინდელი დღე სამახსოვროთ დარჩება, არა მარტო ჩემთვის, არამედ ისტორიისთვისაცო და შეპირდა, რო, როგორც მოსკოვში ჩავალ იქ ერთ ქართველ სტუდენტის (ტ. ტაბიძე გამოდგა) დახმარებით, უეჭველათ, დავიწყებ ქართული ენის საფუძვლიანათ შესწავლას, რო თქვენ მოძღვნილ დედანში ვიცითხო შოთას დიდებული პოემა. მეც სწორეთ ამ მიზნისთვის გიძღვნით ამ ორნაირ საჭირო კომენტარიების და წინასიტყვაობით გამოცემულ „ვეფხის-ტყაოსანს“ და გისურვებთ, რო საქართველოში მეორეთ ჩამოსვლისას მას ქართულ დედანში თამამათ კითხულობდეთ და მისი სული და გული გესმოდესთო, დაუმატა მიმძღვენელმა გამოთხოვებისას...

მესამე დღეს პატივცემული კ. ბალმონტი თფილისისკენ გაემგზავრა.

ქუთათური მწიგნობარი.

(ის. ზვიკავიძე)

რედაქტ.-გამომცემელი რომანოზ ს. შანცხაძე,

სოციალ-დემოკრატიული საპარტიო და სალიტერატურო გაზეთი

„მეგობარი“

პირველ ნომბრიდან წლის დამლევამდე გაზეთი ღირს 1 მ. 3 აბაზი. თვეში 4 აბაზი.
გაზეთის გამოწერა შეიძლება მხოლოდ თვის პირველი რიცხვიდან.

გაზეთს ყავს საკუთარი კორესპოდენტები საქართველოს ყველა უბან ქალაქში და
რუსეთის სატახტო ქალაქებშიც.

განცხადების ფასი: ჩვეულებრივი სტრიქონი პირველ გვერდზე პეტიტით 3 შაური,
უკანასკნელზე 2 შაური. სამგლოვიარო განცხადება თითოჯერ ნაშუადღევს 3
საათამდე ეღირება 3 მან., სამ საათს შემდეგ—4 მან.

რედაქციის მისამართი: **Кутаись, Ивановская, редакция газ. „МЕГОБАРИ“**
ფოშტის ყუთი № 26.

გაზეთის დასაკვეთი ფული და სხვა ანგარიშები უნდა გამოიგზავნოს შემდეგი
მისამართით: **Кутаись, Редакция газ. „МЕГОБАРИ“ Титу Махаробеловичу**
Сихарулидзе. სხვა გვარად გამოგზავნილ ფულს რედაქცია ვერ მიიღებს.

რედაქცია ღიაა დღის 8 საათიდან 3 საათამდე და საღამოს 6-დან 8-დი.
პირადად რედაქტორის ნახვა შეიძლება დღის 12 საათიდან 3 საათამდე.

სოციალ-დემოკრატიული საპარტიო და სალიტერატურო გაზეთი

„სახალხო ფურცელი“

(ნახატებიანი დამატებით).

წლიურათ ღირს 8 მან. 50 კ. ერთს თვით—75 კაპ.
მისამართი: **Тифлисъ, Газ. „Сахаахо Пурцели“.** Поч. ящ. № 190.

თფილისის წიგნის მაღაზიებში იყიდება

გ. თუმანიშვილის წიგნები:

Итоги земских совѣщаній на Кавказѣ.

ფ. 60 კაპ.

Характеристика и воспоминанія,

(ქართველი და სომეხი მწერლები და სხვა მოღვაწეები.— ქართული თე-
ატრი.— რუსის მწერლები და მოღვაწეები კავკასიაში).

მეორე შეესებული გამოცემა. ფ. 50 კაპ.

ПЕРВЫЙ КАМЕНЬ

(Въ закладкѣ фундамента Тифл. Политехникума).

ფ. 15 კაპ.